

日本佛法訪問記目次

引言

一 日本佛教已往之概況及各宗派之由來

附諸古德傳

二 日本佛教現在之概況

(一) 宗派與寺院

(二) 佛教教育

(三) 佛教之社會事業

(四) 佛教之出版事業

三 眞言宗之概況及高野山之訪問

(一) 眞言宗之來歷

日本佛法訪問記 目次

日本佛法訪問記 目次

(一) 法祖之尊崇

(二) 眞言宗之派別

(三) 灌頂與曼荼羅

(四) 高野三日記

附眞言宗各調查表及法規要則

日本佛法訪問記

劉彭翊初稿

耶律文正有言曰。『以儒治國。以佛治心。』旨哉斯言乎。宇宙間之眞理，未有過於佛學者也。修行之方便，亦未有過於佛學者也。余自皈依佛，粗知佛說。廣大精微，世間學莫與比倫。而慈悲濟世之旨。雖稷禹已饑已溺之懷，殊無以越其藩徑。夫治國之道，首重人心。是耶律治國治心之言，尤以治心爲首要。近世人心非古，風氣日壞。不明因果，造業多端。災劫橫生，實基於此。我佛慈悲自利利他之道。誠爲今日對症之良劑。以出世言。明心見性，超越輪迴。以世間言。六度萬行，積極利衆。衆生造業，本貪嗔癡。唯明因果。斯能諸惡弗作，衆善奉行。唯知無我。方克不畏生死，捨己救人。此僅就世俗諦言，若勝義諦尙不僅此。是以吾謂殺身成仁，捨身取義之事。在衆人視之，誠屬難能而可貴。在佛徒視之，則亦甚平庸。何則。了然於果因生死之故。固無庸留戀畏葸於其間也。孔子之教。只言今世，未及過去未來。然亦曰『原始反終，故知生死之說。精氣爲物，游魂爲變。故知鬼神之情狀。』佛明三世因果，相續相生。因果果因，絲毫不爽。兩教聖人其義不二。惟於

出世之諦。孔聖獨不及言耳。日本佛教，來自我國。維新而後，益見發揚。余因參加儒道大會之便。巡視一周。始知彼國之強。固由科學之盛興，工商業之發達。而佛法昌明，人人不失精神之教化。實亦一大原因。益知科學愈昌明，而佛法愈發達。真理之教，更有待於科學之發明證釋者，亦明矣。我國學者，多謂佛法爲迷信，爲消極。足致退化，致滅亡。印度緬甸之衰，應由於此。不知佛理之深，非褊見所能窺測。苟無深切之研究，不能窺其邊際。日本科學之發達，比我國何如。人民之知識，比我國何如。而彼國之富強，又比我國爲何如。此固不待置辯。即證以印度緬甸之亡。不亡於佛法昌明之日，實亡於佛法衰滅之時。再證以我國宋唐。國家盛強之日，皆佛教昌盛之時。有清雍乾，尤爲明證。乃淺識者流，不加細考。管窺蠡測，其亦大可悲矣。現時日本佛教之盛，已遍行於全國。佛徒之數四千餘萬，達全國人數三分之二。寺廟七萬餘處。佛教大學八。專門學校十有四。男女中學，達百餘所。學院，學林，教會，以及佛學團體，不知其數。不特此也。彼國學者，鑒於近代物質文明，適足促進人類之糾紛。欲求世界永久之和平。非我東方精神文化不爲功。近且將欲宣揚佛法，推及歐美矣。而歐西學者，亦自知物質科學之流弊。研

求東方精神文化者，亦稍稍輩出。我棄人取，寧無故歟。我國自詡爲文物先進之邦。蘊藏寶貴之佛法，有二千年之歷史。今反自相菲薄，退落一至於此。後者居先，能無媿色。茲謹就在日考察所經，草述此記。以供國人。願我國人，勿自菲薄，早生淨信。尤願我佛徒，發菩提心，勇猛精進，廣行四攝六度，普利有情。則世界和平，其庶有濟。

一，日本佛教以往之概況及各宗派之由來

日本原以神教道立國。自神武天皇建國以來，卽不啻以神道爲國教。至欽明天皇十三年卽梁元帝承聖元年，百濟王獻佛像經論。是爲佛教流入之始。帝下羣臣議。蘇我稻目，請尊佛法。物部尾輿，中臣鎌子，執爲不可。帝乃賜佛像於稻目。稻目捨向原之宅，爲寺奉像。名曰向原寺。是爲日本佛寺之始。而當時崇佛拒佛之爭亦最烈。卒至兵戎相見。物部氏亡。及推古女皇卽位，立廡戶爲太子。卽所謂聖德太子。組織政事。力宏佛法。詔建寶塔於法興寺。造四天王等於難波。捨斑鳩宮，創法隆寺。佛法大漸盛行。法制略備。派遣小野妹子，僧旻，等至隋求學。諸臣相競造寺。聖德在位三十年間。造寺四十二所，僧八百十六人，尼達五百六十九人。不寧

惟是。考之日本史。所謂飛鳥式藝術之最初發軔。卽自南北朝以迄隋唐，中間受佛教文化之影響。而印度波斯希臘之藝術直接間接亦以輸入。隋唐以後。中日間，信使往還。日僧入唐者日衆。而華僧赴日傳法者亦日多。佛法遂益昌明。

推古三十二年，詔置僧正僧都及法頭，以檢僧尼之不法。乃命觀勅爲僧正，鞍部德積爲僧都，阿曇連充法頭，是爲日本僧官之始。

推古三十三年，高麗沙門惠觀至日本。弘三論宗於元興寺。是爲日本佛教開宗之始。此時又傳成實宗。爾以成實附三論，不別立宗。故謂之附屬宗。

三論宗，自唐傳至日本，凡有三次。一曰慧觀僧正傳。二曰智藏僧正傳。智藏是慧觀之法孫。越海入唐。傳受三論。史失其年代。三曰道慈律師傳。道慈，智藏之弟子也。文武帝大寶元年入唐。總傳六宗。以三論爲本宗。歸朝之後，於大安寺弘通之。於是名哲繼踵。西大寺玄叡律師，法隆寺道詮律師。等最其翹楚。至中古，唯流傳東大寺。餘皆滅。今則全無矣。

然，神道與佛教之衝突未泯也。孝經帝大化元年，僧旻學成回國。擢爲國博士。乃倡神佛爲一之說，以資調解。始得並行於日。自是以還，佛教自不免受神道教之薰

染，而帶有神道之意味。一切儀注，亦多依之。直至今日，尚有相沿而未替者。

大化四年，元興寺沙門道昭入唐，就玄奘學法相家。歸國後，弘之於元興寺。是爲法相宗之始。

法相宗凡四傳。一，道昭傳。弘元興寺。謂之南寺傳。二，齊明帝四年智通智達兩師，入唐就玄奘及慈恩學。歸國弘傳。三，其後五十五，年文武皇帝大寶三年時。新羅僧智鳳，智鸞，智雄，三師。奉勅入唐學於樸楊大師。歸國弘傳。四，其後十三年，當元正帝靈龜二年，玄昉入唐亦學於樸楊。歸國，弘於興福寺。謂之北寺傳。就中以北寺傳爲相宗之正義。爾後數百年，本宗獨榮於南都。以對峙觀山之天台，野山之眞言。中世以後，漸行衰頹。名閣巨藍，杳然絕跡。維新後，再興之。以現今法隆寺，興福寺，爲本寺。寺院現存四十一處。

齊明帝四年，沙門智通智達奉勅入唐。謁玄奘三藏，學法相宗。兼習俱舍。旣而歸國。住觀音寺，以事弘通。是爲法相之第二傳，亦即俱舍宗之初傳也。爾時俱舍宗附屬於法相。不別立本寺。（成實俱舍兩宗傳來，均多異說。今隨取其一。）

聖武帝神龜七年，唐沙門道瑡齋華嚴宗章疏來。其後新羅沙門審祥講說之。華嚴宗

之興始於此。

道璿律師雖齋華嚴章疏來，而未敷講。至天平十二年，因良辨法師之請。審祥律師始開宗講說。聖武帝大爲崇敬。以東大寺爲本寺，盛弘通之。其後千有餘年，高僧接踵。尤極隆盛。最後衰微，屬於他宗。明治十九年，更重興本寺。本宗凡統轄末院（即下院）現有二十七寺。

孝謙帝天平勝寶六年，唐沙門眞來化。眞自唐來。經十二年，遭六次大難。至是始達。帝及聖武上皇率諸王百官迎之於東大寺。眞乃築壇於大佛殿前。行授戒式。帝已下受戒者四百餘人。戒律始盛。未幾，創戒壇院於東大寺之西隅。此爲戒壇院之始。後又於下野藥師寺及筑前觀音寺建戒壇。是稱日本三戒壇。

佛教傳日本，至是二百二年。其間，雖受戒於百濟，學律於大唐。又有律師來朝者。然，諸緣尙有所缺。未行壇法。鑑眞來，始行之。故推鑑眞和尙爲日本傳律之高祖。眞所傳者，四分律也。後創提招寺爲本寺，盛弘戒律。其後，漸次衰微。戒律殆至掃地。鳥羽帝時，中川實範上人中興之。尋興正菩薩，又提倡於西大寺。至今諸宗雖尙傳戒受律。而彼三戒壇，則久廢絕矣。

太平寶勝八年，聖武上皇崩。上皇篤信佛法。傾國家資產，以充供養。禪位後，落飾而稱沙門勝滿。是帝王落飾之始。

淳元帝天平寶字四年，依良辨僧正之請。定四位十三階之僧位。是爲僧位之始。

天平寶字七年，沙門最澄，開比叡山。創根本中堂，名曰一乘止觀院。自刻等身藥師佛像以安之。爾時於四方各三十六町內，立限結淨界。是日本結界之始。二十三年沙門空海最澄奉詔入唐。最澄謁天台國清寺道邃和尚，受學天台宗。又於越州龍興寺謁順曉阿闍黎，傳受眞言宗。於唐興縣謁脩然禪師，稟承禪宗。二十四年最澄歸朝，帝詔弘天台宗。是歲，勅最澄於高尾山設道場。選諸寺名德受灌頂。是日本秘密灌頂之始。師後入寂。謚傳教大師。

初鑑眞和尚齋來天台章疏，而未敷講。至是始立爲宗。故天台宗以傳教大師最澄爲開祖。日本台宗有三派。曰天台宗，開祖卽最澄。本寺爲延曆寺。末寺（下寺中院）現有二千四百三十一所。曰寺門派。以傳教之法孫智澄大師圓珍爲開祖。師入唐受台密。歸而弘通於三井園城寺。謂之寺門派。現有寺院六百四十七處。曰眞盛派。後土御門帝文明年中，眞盛上人出叡山。住江菟坂本西教寺。宏通念

佛。是爲眞盛派。末寺現有四百三十所。

平城帝大同元年，空海自唐歸國。空海在唐受眞言宗，於青龍寺慧果阿闍黎。帝勅於和泉國植尾，弘通之。至嵯峨帝，誠篤敬信。密教大興。空海又傳來一切有部律。世稱眞言律宗者也。弘仁七年空海開高野山創金剛峯寺，後師入寂。謚弘法大師。先是，眞言宗傳來已久。而專一弘布，則自弘法大師空海始。繼嗣弘法衣鉢者。有十師。第十師一號源仁。仁門下有二傑。一名益信。開仁和寺。廣澤派之始祖也。二名聖寶。開醍醐寺。小野派之始祖也。廣澤又分爲六。小野亦分爲六。是爲眞言十二派。然皆事相之區別。非教旨之區別也。教上之分派，則有新古二義。古義者，高野山派是也。新義者興教大師覺鑊。出自廣澤六派中。於紀州根來寺（傳法院）別立一家者是也。根來寺毀於豐臣秀吉。智豐兩山（智積院長谷寺）繼其後而興。明治九年，諸山合併。以東寺爲本寺。一宗總轄寺宇一萬一千二百七十四所。

文德帝齊衡二年，依檀林皇后本願。創檀林院。舉義空禪師爲開祖。專修禪定。是爲禪林之始。

崇德帝天治元年。大原沙門良忍奉勅開融通念佛宗。良忍，尾州富田人。年十二登叡山，奉台教於良賀。嘉保二年，入大原松林院永緣室，又從永竟受密灌，兼諳音曲。究淨土法音。遂依大原創來迎寺。張顯密教。開聲明梵唄。古今習聲明梵唄者，皆祖述於師。師後於天承二年示寂。謚聖應大師。

融通念佛宗者。取融通一切功德，而攝於彌陀名號，以立名也。其宗要，在往生成佛之極功。唯在稱念彌陀一句名號。其本山爲攝津之大念佛寺。末院有三百五十七所。

高倉帝承安四年，圓光大師源空出黑谷。空居洛東吉水。倡專修念佛。朝野靡然歸之。是爲日本淨土宗之始祖。

日本之淨土宗，卽中國善導派也。根本分四派。曰鎮西派。是聖光房弁阿，於筑後善導寺開之。曰西山派。是善惠房證空，於西山粟生野，建光明寺弘之。曰長樂寺派。是隆寬建圓山長樂寺別出之。曰九品寺派。是覺明創洛北九品寺，別開出之。此四，皆圓光大師之高弟也。此中九品長樂兩派已亡。鎮西西山兩派尙盛。其中西山派又分西谷，小谷，深草，東山，四派。而以光明寺爲本寺總轄之。

其寺共有一千零七十四所。鎮西派又分關東三派。曰白旗，藤田，名越。又分京都三派。曰三條，一條，小幡。共六派。其中彌滿各國者。白旗派也。彼所謂知恩院增上寺等，十八檀林者。亦此派所攝。後相原天皇以知恩院爲淨土宗之總轄。慶長以後，以增上寺爲十八檀林之長。明治維新之後，又分爲東西兩部。三河以西爲西部，知恩院轄之。遠江以東爲東部，增上寺轄之。後至明治十七年止其例。以知恩院增上寺淨善院，知恩寺，金戒光明寺等爲五本山，輪次爲管理長。後又復其故。以知恩院爲管轄本所。其寺院現總有七千一百三十二處。

土御門帝建仁元年，源賴家創建仁寺。延沙門榮西爲開祖。西備中人。十四落髮，登叡山研究台教。十九入伯耆大山傳受密乘。仁安三年入宋，得天台新章疏三十餘部，及文書若干卷而歸。授與主座明雲。文治三年，再入宋謁黃龍八世孫靈菴敬禪師，承臨濟正宗。建久二年歸朝。將軍賴家服其德。躬爲大檀越，大贊其弘布。是爲日本臨濟禪宗之開祖。

禪宗在中國有五家七宗之支派。傳於日本者僅有三派。一，臨濟宗。是榮西禪師歸朝後，創建仁寺弘之。其後於京都鎌倉各構五山十刹。明治十三年，定爲十派。

。曰天龍寺，建仁寺，東福寺，相國寺，南禪寺，妙心寺，大德寺，建長寺，圓覺寺，永源寺，是也。十派總有六千二百二十三寺。二，曹洞宗。是後崛河院時，道元禪師入宋所傳受。歸朝後，立永平寺弘通之。曹洞宗立二本寺，分五派。二本寺者。永平寺，及總持寺，是也。總持寺爲道元四世法孫紹瑾所建。五派者，總持寺第二世紹碩下所分之派。曰大源，通幻，無端，大徹，實峯，是也。此宗現有一萬四千二百二十五寺。三，黃檗宗，是後光明天皇時，明黃檗山隱元禪師來日本，建萬福寺於山城宇治，弘通之。現有五百二十三寺。已上三派，爲日本禪宗。

後堀河帝元仁元年，眞宗開祖親鸞，於常陸國稻田製教行信證文類。爲眞宗開宗本書。

此宗以弘彌陀真實之教爲主，故名眞宗，卽依他力，以回向之信心，作往生淨土之眞因。以信後相續之名稱，爲報答佛恩之行業。無有宗規。聽許蓄妻噉肉。亦無戒律。倫理綱常，悉如俗子。此宗今分十派。曰本願寺派。文永九年，親鸞季女覺信尼，及孫如信等於洛東大谷創寺。龜山天皇賜以久遠實成阿彌陀本寺之號

。而以如信爲本願寺第二世主。文明九年，移於山科。天文元年，移於大阪。爾後經歷紀嘉鷲之森泉州，堺攝州，天滿等。天正十九年，轉移今之堀州。其寺現有九千七百六十四處。曰大谷派。其初同於本願寺。至第十一世顯如之長子光壽，更於烏丸作本寺。稱爲又本願寺者是也。現有八千四百八十寺。曰佛光寺派。親鸞弟子眞佛住持之所。當時京都有五條坊門者是也。其寺現有三百四十一。曰高田派。親鸞於下野高田創專修寺，付於弟子眞佛。至寬正年中，眞佛移寺基於伊勢一身田者，是也。末寺現有六百二十六。曰木邊派。即江嘉錦織寺，元係天台宗。親鸞重興之，而改眞宗者，是也。末寺有五十七。曰興正寺派。文明年中，佛光寺經豪與其徒數人歸本願寺蓮如。其所建寺號興正寺，以屬於本願寺。明治九年新立一派者，是也。寺院現有三百零九。曰出雲路派。京師元有出雲路。親鸞之子善鸞之所住也。其後遷於越前今立羣清木頭村，所謂毫攝寺是也。末寺現有四十七。曰山元派。越前橫越村證誠寺是也。末寺有十二所。曰誠照寺派。在越前鯖江。末寺有四十五。曰三門徒派。越前中野專照寺是也。末寺現有三十。已上十派，總爲眞宗。

後深草帝建長元年，北條時賴於鎌倉立建長寺。以宋沙蘆溪爲開祖。溪名道隆。弘安中謚大覺禪師。禪師之號始於此。

建元四年，沙門日蓮始倡法華宗。蓮係安房人。幼而活潑英邁。夙有才名。登比叡山習天台。深達開顯妙義。於是排餘創立一宗。後開身延山以爲一宗本寺。

日蓮宗者，以能弘人而立名也。又依所弘之經，亦曰法華宗。宗意者，以立正安國論爲指歸。以稱妙法蓮華經題目。即感得常寂光之妙土，而全一生成佛之本懷。此宗現有九派。曰日蓮宗。以身延山久遠寺爲本山。現攝末寺三千七百三十四處。曰日蓮正宗。以大石寺爲本山。末寺一百十六。曰妙滿寺派。亦稱顯本法華宗。爲天授五年日什所立。轄寺四百零四。曰興門派。亦稱本門宗。是日興之所開。以本門寺等九寺，輪爲管長。統末寺二百二十五。曰八品派。亦稱本門法華宗。有本能寺等五本山，輪置管長。管下寺現有三百二十六。曰本成寺派。亦直稱法華宗。在越後蒲原郡。祖爲日印。管下現有一百三十七寺。曰本隆寺派。亦稱本妙法華宗。亦屬日印。管下有八十寺。曰不受不施派。文錄年中，妙覺寺日興唱之。元錄年中，禁止其派。明治九年，許開之。並復妙覺寺之號。現有寺三

處，信徒教會十所。曰不受不施講門派。祖稱日和。與不受不施派其義稍異。明治十五年，得官許可。現有寺院一所，教會四所。

後宇多帝建法二年，沙門一遍提倡時宗。遍字知真，伊像人。學台宗於叡山。讀止觀諸經，所贊多在彌陀。乃傾心淨土專念之教。文永三年，從西山聖達受念佛宗旨。於是自開一宗。後於相模國藤澤，創本寺。正應二年，卒於攝兵庫觀音寺。年五十二。

時宗一名六時往生宗。以晝夜六時修善導往生禮讚，爲往生業因之故也。其宗意在專修念佛。本山即相模藤澤清淨光寺。此寺住職通稱遊行上人，別號阿彌陀佛。欲住本寺者。必遍遊諸國，勸念佛。及現住職入寂。乃還寺，爲住職。以是爲通規。門分十二派。於清淨光寺立管長。末寺現有四百九十一所。

以上所述，明治維新以前佛教之概況也。及至王政復古。攘夷思想，一時稱盛。多認佛教爲夷道。佛教遂大被摧殘。又以維新要政，在吸引歐美物質文明。而精神之教，當然遭受排擠。其時國學一派，又主張於本來神道，須加培養。以完成尊王主義。明治元年，下神佛判然令。廢社僧別當職。又令僧尼還俗。四年正月，沒寺領

。五月，於泉涌寺，創恭明宮。移宮中安置之佛像。六月，廢仁和寺已下御所號，門跡號，（延喜四年，宇多上皇於御室造仁和寺，世稱御門跡。）及院家院室之號。九月，廢後七日法，（承和元年，弘法大師奏置真言院於宮中，行七日之修法，定爲永式，至此廢，）並諸寺之勅會。明治五年二月，廢僧位僧官。三月，獎勵僧侶娶妻，特旨以眞宗之本願寺，東本願寺，專修寺，興正寺，佛光寺，各任職爲華族。四月，解僧侶食肉娶妻之禁令。六月，置諸宗管長。九月使僧侶稱姓氏。又廢修驗宗名，歸入天台眞言。十一月，除各總本宗外廢一切無檀無住之寺。厥後又謚眞宗開祖親鸞爲見眞大師，以示尊崇。沿至今日尙尊親鸞爲聖人，亦足以見其崇拜之烈矣。

當是之時。政府對於全國佛徒，加以種種壓迫。所有從前給與僧侶優越之待遇，一概停止。斯誠日本佛教之厄運也。佛徒之中，具有特識者。遂以爲欲打破法難。必須迎合世界潮流。故步自封，終歸消滅。且爲將來領導全國精神文化，尤必須有相當之準備。於是各寺紛派留學。於明治五年，本願寺派遣其徒澤融、雷連城等數人往歐洲。東本願寺光瑩率其徒衆、舜台、白華等航遊歐美。九年，大谷派大雄遊學英國。

。及至先後歸國。服務社會。著書立說，挽救頹風。迭向政府陳述意見。結果，一切迫害禁制，始漸解除。爾時臨濟，曹洞，淨土，日蓮，各宗人才輩出。各努力以改善其宗政。德風所播。漸足以指導時流，而轉其十餘年來之厄運。同時注重育才。凡學校勸學院等教育機關，相繼擴充。而宗規寺法，亦一一加以整飭。并留心社會事業。如醫院救濟等設施。直向社會進展。非若昔日之閉戶清脩，不問世事。大正以還。佛教教育之進步大有一瀉千里之勢。據今調查。大學有八。專門學校達十四。男女中學百餘所。其他學院學林不計其數。佛教雜誌達二百餘種。邁進之猛。直進而有領導世界精神文明之準備。就僧侶之戒律修持方面言。固不免稍有退色。多由國家支配之力所造成。誠亦無可如何。就術學方面言。則已由科學化進而國際化矣。方興未艾。吾國知識階級。其幸而稍加注意焉。

附諸古德傳

聖德太子名廐戶，推古女皇之皇太子。生前，后夢沙門來自西方。自言特來救世，暫假母胎。言畢，飛入后口。已而誕生，異香滿室。既長，英敏過人。博覽典籍。深羨中國文化。尤好佛學。年十五，披髮從軍。討滅物部氏。誓於軍中，勝敵必奉

護世四天王。物部敗。乃建四天王寺於大阪，答謝佛恩。及爲太子，攝行朝政。立旗幟，製衣冠，定服色，明貴賤。分羣臣爲十二級。製憲法十七條。於是國內大治。諸侯不敢專恣。太子知朝鮮之學術來自中國。遂遣使小野妹子出使於隋。隋煬帝使裴世清報之。妹子再至中國。高尚玄理及僧旻等，隨至中國求學。歸而大用。多仿隋制。太子嘗與諸僧講佛法於御前。親製勝鬘，法華，維摩，等經義疏。羣臣相競造寺。太子在位三十年間。造佛寺達四十六所，僧八百十六人，尼達一百六十九人。天久不雨。禱神不應。女皇躬臨寺院，膜拜佛前。大雨驟至。爭頌佛恩。信者益衆。太子四十九歲薨。市民哭泣，如喪考妣。詔謚聖德。

過海大師鑑眞，俗姓淳于。齊辨士大夫髡之後。揚州江陽縣人。生于唐中宗嗣聖五年。十四歲，隨父入寺。見佛像，心感動。請于父，求出家。父奇其志，許焉。遂皈依大雲寺智滿禪師。初學天台。後通諸宗之奧義。曾受菩薩戒，具足戒。天寶元年，卽日本天平十四年，居揚州大明寺。因日本留學僧榮叡，普照，之勸請，渡海赴日。同行僧二十餘人。並由宰相李林甫之兄林宗，函令揚州倉曹李湊，造大舟，備糧送遣。旋以新羅僧如海，挾嫌告密，爲官所捕。興大獄。旋得解。天寶二年，

即日本天平十五年十二月，購南嶽探訪使劉臣鄰之船。同行者，僧祥彥，道興，德清，榮叡，普照，思託，等，十七人。又玉作人，畫師，彫檀，刻鏤，寫繡師，修文，鐫碑，等，共一百八十五人到狼溝浦。被惡風漂流，船破損。旋修理訖。乃於天寶三年，（日本天平十六年）一月，再度出發。仍以風浪過大，船大破壞。不果行。同年，復於福州購船，計畫第四次之東渡。事被弟子僧靈祐等議阻。乃告官遮令留住。靈祐卒向師懺謝。每夜由一更立至五更，終六十日，乃止。嗣以榮叡，普照，之努力，更自造船。於天寶七年，即日本天平二十年，六月二十七日，共唐僧十二人，水手十八人。其他隨行者，三十五人。由揚州新河，乘船出發。適遇巨風。行十二日，漂至海南島之南端振州。天寶八年，由海南島陸行。經崖州，渡雷州，越梧州，至桂州。疲勞已極。稍事休息。一年後，更由梧州，至廣東。經韶州，出廬山，過南京，還揚州龍興寺。當大漂流中。舟中水盡，無食物。但嚼生米，飲鹹水。同行罹病死者達半數。師至韶州，兩目失明。高弟祥彥，死于吉州。普照，亦於韶州別去。移明州育王寺，至悲極慘。殆無逾是。而師之傳法初念仍不衰。適日本遣唐大使藤原，副使清河等，入唐。天寶十二年，即日本天平勝寶五年，十月十

五日，親訪大師。謝其熱誠。仍以東渡爲請。師即準備。於十月二十九日，出龍興寺。由揚州首途。十一月十日，分乘遣唐副使之船。同行者，有揚州白塔寺僧，法進，泉州超功寺僧，曇靜，台州開元年僧，思託，等，十四人。又藤州通善寺尼，智首，等，三人。揚州優婆塞，潘仙童，胡國人寶最，如寶，崑崙國人軍法力，膽波國人，善聽，等二十四人。普照僧，亦追至。十三日出發。天寶十三年（日本天平勝寶六年）一月，抵紀伊牟漏崎。蓋距初發願東渡時，已十二年矣。始終六度隨師不去者。唯僧普照，思託，二人也。此行齋佛舍利三千粒。及佛像經律，天台經疏類，甚夥。又王羲之，王獻之，親書法帖，及天竺朱和等之雜體書。日朝野上下，舉國歡迎。天皇派安宿王迎於羅城門外。延至東大寺住焉。翌日特遣吉備眞備，親賜詔曰。大德和尚遠涉滄波，來投此國。誠副朕意。喜慰無喻。朕造此東福寺，經十餘年。欲立戒壇，傳授戒律。自有此心，日夜不忘。今諸大德，遠來傳戒。冥契朕心。自今以後，受戒律，一任大和尚。並於東大寺，置戒壇院。其年四月，天皇率皇后，皇太子，親登壇，受菩薩戒。全國諸宗僧尼，悉受戒焉。日僧有戒律，蓋自此始。越六年，乃於南都奈良，建立唐招提寺。逮唐廣德元年，五月六日，師

結伽趺坐，四面圓寂。享世壽七十六歲。居東十年耳。世稱過海大師。

弘法大師，空海，初名如空。小字眞魚。以寶龜五年，即唐代宗大曆九年，生于讚岐國多度津之屏風浦。父佐伯田公，諱善通。母阿刀氏。今四國之古義眞言宗之善通寺，即大師誕生處。大師生時，揚州白塔寺僧法進，（鑑眞大師高弟，隨同渡日者）適巡錫讚岐。聞眞魚泣聲。告其父母曰。此兒非凡。當善育之。他日必弘大法。師幼從其舅阿刀氏受孝經，論語。稍長入明經科，通經史百家之書。以儒學爲猶淺狹。特繙佛典，潛心鑽研之。十八歲，著儒道佛三教指歸。遍行諸山。苦業無算。二十歲，迺果宿願。於和泉國之槇尾山寺，剃度焉。二十二歲，即延曆十四年，皈依勒操（鑑眞受戒弟子）大德門下。於東大寺之戒壇，受具足戒。寢饋佛乘。具大決心，入唐求法。語學練習，諸種調查，蓋經九年之長時間準備。始於延曆二十三年（唐德宗貞元二十年）四月，受入唐求法之特許。隨遣唐使石藤原葛野麿，副使川道益，橘逸勢，菅原清公，僧最澄，（即傳教大師）等，於六月一日，由難波津乘船渡華。時大師三十一歲也。此行五百數十人，分乘船四艘。第一船，遣唐使，空海，橘逸勢，等。第二船，最澄，原菅清公，等。第三，第四船，錄事，通譯，船事

及其他雜役人等。不幸海程中爲颶風所襲。第三四船，均遭難破。空海所乘之第一船，漂流月餘。於八月十日著福州長溪縣之赤峯鎮海口。遂於福州迴航，十月三日入港。觀察使閩濟美奏長安。得旨報可。十一月三日，發福州，溯閩江，經南平，入浙江省，下錢塘江，至杭州。更遵水程，出蘇州，達潤州。由長江，北入揚州。更經汴州，出洛陽，過函谷關。十二月二十一日，著長樂坡。二十三日遂入長安。唐以國賓待遇。延宿宣陽坊。乃與先著之菅原清公等，得再聚晤。最澄行抵明州後，以疲勞羅疾，留明休養。病愈，乃由明州入天台。翌年新正二日，德宗不豫。二十三日崩御。葛野麿大使，二月十日歸國。空海，橘逸勢，得唐許可留學。初假寓長安名刹西明寺。逸勢專攻文學。卒以書道成大名。空海於佛教外，詩文書道，研鑽不怠。並時明德，訪問殆遍。最後於長安之青龍寺中，得謁惠果大和尚。惠果者，於密教爲第七世正嫡。而大唐天子之灌頂國師也。一見空海，大悅曰。「余待汝久矣。我世命將盡。爾可速傳斯法派。」後遂每日到青龍寺，受密教。並讀破大日經，金剛頂經，等，二百餘卷。空海自此，遂得金剛遍照之名。蓋惠果師所肇錫也。不久，惠果召空海來，告之曰。可速持兩部曼荼羅，及三藏轉付之品，歸國傳

教。遺命後，端坐入寂。空海從學惠果，前後僅七閱月。一千餘人之弟子中，被選嗣法。蓋較肉身父子爲尤親。其悲悼可知矣。門下公推空海爲撰碑文，並親書之。事達宮闕。順宗召於殿壁揮毫。空海大書五行，五體爲書。一時公卿學士，罔不贊歎。宸語褒獎，有五筆和尚之美稱。並賜菩提念珠。（此珠今尙存京都東寺中，亦日本國寶之一也。）空海原定留唐二十年。嗣以惠果遺訓，謂所學已就。學質適罄。橘逸勢亦主速歸。乃於大同元年，即唐憲宗元和元年，得唐帝許可，三月離長安。四月抵越州。徧訪名僧，鈔錄經籍。夜以繼日。凡文學，美術，天文，醫學，工藝等，與文化有關者。罔不搜討。八月至明州。遂附乘高階大使之船，於十月安著九州之筑紫。在華通計僅二周年。其所齎去之經論，章疏，法貝，等等，並製成目錄，上獻於朝廷。（此目錄原件，今尙保存無恙。其寶貴可知矣。）次年奉敕上京，住槇尾山。其第一聲，即開來自寺之道場。說三密加持之秘旨，即身成佛之深義。以及兩部曼荼羅之哲學的真理。日本自此，遂認密教爲一獨立之宗教。大師之功也。直至大同四年，師在山，專心於立教開宗之教義的著作。其尤著者，爲「即身成佛義」「辨顯密二教論」「十住心論」「吽字實相義」「聲字實相義」「般若心經

秘鍵」。「秘密曼陀羅教付法傳。」又文學方面之著述。則有「文鏡秘府論」等等，不勝枚舉。自茲以後，十四年間。諸國行脚，一努力於布教。並選定高野山爲根據地。弘仁十四年，卽唐穆宗重慶三年，嵯峨天皇，以京都第一大寺之東寺賜之。俾作道場。惟寺近都會，不便修業。幸師所選定之高野山，於弘仁七年，已奉敕許，開山營造。逮弘仁十年，金堂竣工。師時年四十六歲，精力正盛。遂以次建立諸堂。同時東寺亦著手修建，以便傳教。師往來京都，及高野山間。宣揚教務，備極勞瘁。更十餘載。直至承和二年，卽唐文宗太和九年三月十五日，於高野山，先期召集高弟門葉，聚於一堂。定傳燈之候補者。旋以香水清身，入淨室中，廢止一切飲食。三月二十一日，寅刻，果如豫言，入金剛之大定。世壽六十二歲。醍醐天皇延喜二十一年，卽後梁末帝龍德元年，乃賜以弘法之謚號焉。

傳教大師最澄，唐僧法進之高弟，鑑真大師之再傳弟子也，以神護景雲元年，丁未，六月八日生。延曆四年，（唐德宗貞元元年）七月，登比叡山，創立草庵。師時年十九歲。後三年，有桓武天皇救命，於本山中，創立根本中堂。將自作之藥師如來像，供養堂內。信仰極篤。師岐嶷聰明。天皇信賴備至。延曆二十三年，奉詔入唐

求法。與弘法大師同行。師抵明州鄞縣。著岸後，旋入天台山國清寺。從道邃師，（智者大師之法孫）受天台奧義。嗣遇行滿座主，附與法門。並授以經論目錄。次年於越州龍興寺，遇順曉阿闍黎。傳受眞言密宗，並灌頂焉。又於唐興縣，遇沙門儵然。得聞達摩一派牛頭山之宗法。五月由明州乘遣唐使便船歸國。六月著博多。計齋去經論疏記二百三十餘部，都五百餘卷。又法華經等。八月遂在高雄山，開灌頂道場。此日本密灌之始也。後以信奉日衆，仍入舊有關係之比叡山。專以弘揚天台宗。直至入寂前，未嘗稍懈。又曾建設大乘圓頓戒壇。實予日本佛教界以一大進步。同年天皇仿隋帝對於智者大師先例，有縹帽之賜。日人向不喜冠。自此以後，一般民間競戴帽子，寢成風俗。不獨賜帽事，在日佛教界爲創例也。弘仁十三年，即唐穆宗長慶二年，二月十四日，嵯峨天皇，賜以傳燈大師位號。同年六月四日，入寂。世壽五十六歲。天皇哀悼賜詩。迨清和天皇時代，改謚傳教大師。

與教大師覺鑲號正覺房，其先出平民。掘河天皇嘉保二年，即宋紹聖二年，誕生於肥前藤澤莊。父爲肥前總追捕使。伊佐平治兼元。世以武略聞。母橋氏。同國有德之豪女也。小名稱彌千歲麻呂。幼因事感，有出家志。年九歲請於雙親。逮父喪，

忿益固。時藤津莊爲仁和寺領。慶照房入守代官，於其地尋求法器。得彌千歲麻呂。乞之其母，携上京謁寬助。時師十三歲也。至南都就興福寺圓如房惠曉學法相俱舍。又於東大寺覺樹東南寺門跡，探華嚴三諦之幽旨。穢有空三門之奧義。天永元年卽宋大觀四年，年十六歲，歸仁和寺隨寬助剃髮。改名正覺房覺鑊。寬助察知爲失法器。慈愛殊深。十八契印，兩部大法，護摩秘軌等，悉以授之。永久二年卽宋政和二年，受具足戒於東大寺。受秘印密言於高野山明寂上人。保安二年卽宋宣和三年，隨寬助受三摩耶戒於仁和寺成就院道場。領傳法秘密灌頂職位。再登高野山，幽居奧院。修求聞持法，悉地成。大治元年卽宋欽宗靖康元年，受平爲里之皈依。獻其私領石手莊爲供。師遂以建神宮寺。勸請神明一千餘社，立僧坊其旁。是年行落慶式，自爲導師。職衆以一門之僧侶。當是時，師已成一家之業矣。大治五年，華藏院聖慧法親王登野山，召師問所願。師願立小堂宇。親王爲奏於鳥羽院，遂得於野山建立小傳法院。自是師每得叡信，屢奉謁。小傳法院狹隘，不能修傳法大會。奏得俞旨，別建大傳法院，密嚴院。落慶供養時，鳥羽上皇幸臨。導師倩西院信證勤之。時長承元年，師三十七歲也。初行大傳法會，宿願成就。上皇旨以此寺

爲勅願寺。賜相賀，弘田，岡崎，山東，山崎，澁田，石手，等七莊爲傳法大會之經費。善承二年，師志集諸家法流之大成，訪諸流之碩學。故下野山至京師，奏鳥羽上皇願許受秘法，於他門自門之諸德。遂得就覺法，聖惠，寬信，定海，諸師，盡一宗之淵底。於他門則拜鳥羽之覺猷，極天台之奧旨。又得入鳥羽之寶藏，探討秘書，大有所得。故學德聲譽冠一世。金剛峯寺座主職，自延喜朝以東寺長者觀賢之兼攝。自爾，遂爲東寺長者之兼職。師以甚背高祖大師之遺告，後僧正之記文也。奏請簡任高野山之碩德。長承三年卽南宋紹興四年，以大傳法院座主眞譽兼金剛峯寺座主。眞譽讓此職於師。高野山僧衆譁然，謂覺鑲占有野山。京都諸山和之。奏之朝。以東寺長者定海還補金剛峯寺座主職。師退居密嚴院，實修內觀。專懺悔自他之罪障。保延二年，傳法院與金剛峯寺爭論相賀之境域。金剛峯寺徒衆大舉攻大傳法院。欲加害於師。大傳法院多被殘毀。師於根來山別創一乘山圓明寺居之。朝廷旣罪金剛峯僧衆，勸師歸山。然師終不歸也。近衛天皇康治二年十二月十二日入寂。年僅四十九歲。師以眞言兼攝台密。起大傳法院之一流。翻密嚴新人主義之旗幟。唱立人境一致之大見。師寂後而大興。付法弟子兼海，證印，融玄，信惠，

等最顯。東山天皇元祿三年十二月二十六日，謚興教大師。

承陽大師道元，爲村上天皇九世孫，久我內大臣源通親公之三男。生母爲松殿關白大政大臣源基房公之女。以上御門天皇正治二年，（南宋寧宗慶元六年）正月誕生。四歲讀李嶠百詠。七歲通毛詩左傳。八歲生母逝世。因感人生無常，遂親佛典。逮十三歲，棄尊貴之家庭，毅然出家。迺就叡山天台座主，公圓僧正得度。究天台八教之奧義，探秘密一乘之教理。聞建仁寺之榮西禪師，曾自宋歸，聲譽聳著。更從而受學禪宗焉。翌年榮西入寂。乃共其高弟明全和尚修業。先後兩度讀破一切經。因感日本畢竟難得良師。乃發願渡宋求道。明全和尚同行。於後堀河天皇貞應之二年，（南宋寧宗嘉定十六年），三月自博多出帆。四月著明州。師時年二十四也。旋從明州至天童山。就無際禪師，及如淨禪師，辨道修行。卒由如淨座下，獲承釋迦牟尼佛孀孀相傳之大法。明全卽在天童山逝世。年僅四十二歲。道元歸國，辭如淨禪師時。師以芙蓉道楷禪師所付與之袈裟。『寶鏡三昧，五位顯訣，』及禪師自贊之畫像贈之。垂誠懇切，逾于尋常。其就歸程之前一夕，偶見佛果園悟禪師之碧巖集百則，十卷，心焉好之。盡一夜之力，抄錄藏事。俗稱一夜碧巖。今遺稿尙存金

澤大乘寺中。在宋計九年。安貞二年卽宋理宗紹定元年冬歸國，於九州之肥後川尻著岸。直詣京都。挂錫於東山建仁寺者三年。並於京都創建興聖寺，努力曹洞宗之宣揚。以都市囂塵，世緣繁密。乃抱決心，另覓靜地，以弘真實之佛法。適越前國司波多野義重者，請於其領域內之越前志比莊之山上，建立伽藍。道元既愛其境地之幽邃閑雅。且師在華，所師事之如淨禪師，越國（浙人）人也。一聞越前之名。益追懷往事。遂定該山爲永住之地矣。事在寬元二年，卽南宋理宗淳祐四年也。今越前之永平寺，爲道元法身常住之靈域，全國曹洞宗之大本山。統攝一萬四千餘之末寺。法燈朗照，綿七百年。殆權輿於此時。後圓融天皇，曾題敕額，賜該寺曰「日本曹洞第一道場」，蓋紀實也。師創建永平寺後，仍不時往來鎌倉京都間，弘開道場，授菩薩戒，努力教化，信仰益敦。建長五年，師年五十四歲，七月十四日，乃以永平寺方丈一席，讓於孤雲禪師。八月五日，仍回京都。親書偈語，凝然入滅。偈曰，「五十四年。照第一天。打個躡跳。觸破大千。咦，渾身無著處。活陷黃泉。」建長二年，後嵯峨上皇，賜以紫衣。刃佛法禪師之謚號。嘉永五年，卽清文宗咸豐二年，孝明天皇晉賜佛性傳東國師之謚號。明治十二年，明治天皇，特賜承陽

大師之謚號。其受歷代皇家之尊仰，及一般智識階級者之皈依，蓋可想矣。

見真大師親鸞，命名蓋取天親，曇鸞，合一之義。幼名松若磨。又名範宴，綽公，善信，或愚禿。皇太宮大進，日野有範之子。母源義家之子，義親之第一女。蓋華胄之名門也。生於承安元年，（南宋孝宗乾道九年）四月一日。四歲父死。九歲母死，即養和元年，（南宋孝宗淳熙八年）遂就京都粟口青蓮院，慈圓僧正座下，得度。幼於比叡山之無動寺，學天台，兼窺諸乘。前後居叡山者二十年。最信仰法然上人所唱之念佛法門。乃於建仁元年，即南宋寧宗嘉泰二年，訪法然稱弟子。其時前關白藤原兼實（關白爲帝道輔佐之重職，由大臣兼之，萬機巨細，皆關白之，故名），亦皈依法然上人者。法然所唱之教義，不特謂帶業可以往生。且公然許可娶妻食肉。在佛教界爲一大革命。真釋迦如來座下之馬丁路得也。如此破棄戒律。非難攻擊之聲，當然猛烈。彼輩則援引釋尊當日爲尸迦羅越長者之子說教。讚其實現理想的家庭。雖一時信徒頗衆。然益遭其他宗派之妒忌。卒因後鳥羽上皇之寵姬二人，遁世爲尼。他方更利用此事，爲排斥親鸞一派之運動。朝廷遂將法然，親鸞，剝奪僧籍。法然時年七十五歲。遠謫土佐。親鸞年三十五歲，流越後。越三十九歲之

十一月，被赦還。翌年正月，入洛途中，聞法然師遷化。改入信越。更轉東北，關東，北陸等處，巡錫傳教。並從事著述。創立『淨土眞宗』。親鸞爲實行教義，以身示範。曾娶兼實之女，玉日姬。時玉日甫十八歲，親鸞已三十一歲。翌年十月，長男誕生。取名範意。更名後大二阿闍黎，或稱印信僧都。四十歲，生第二子昌姬。四十三歲，生第三子明信。四十五歲，生第四子善鸞。四十七歲，生第五子有房。四十九歲，生第六子嗟峨姬。統計生四男二女。嘉禎元年，卽南宋理宗端平二年，親鸞年六十三歲，始歸京都。直至弘長二年，卽南宋理宗景定三年，十一月二十八日，終焉。享世壽九十歲。此二十七年間，惟努力於淨土眞宗之布教。雖其宗教生涯，不無波浪曲折。卒得後堀河，四條，各帝王，及上流社會之歸依信仰。亦偉矣哉。親鸞入寂後。葬於東山吉水禪房，法然上人墓側。文永元年，卽宋理宗景定五年，移祇園林之東北。并就廟地，起伽藍焉。卽本願寺之起源也。淨土眞宗，素稱眞宗。又名一向宗，或門徒宗。勢力熾盛，日益擴大。德川家康，利其分割爲得策。慶長八年，卽明神宗萬曆三十一年，有教如上人者，另立一派。遂與本派分而爲二焉。本派本願寺，以西六條地名之關係，又稱西本願寺。新派方面初稱大谷派。

。本願寺，又對於西派，則稱東本願寺。歷代法主世襲，皆親鸞之血胤也。觀鸞之十弟子，別立十派。各以其血胤世襲焉。明治九年，明治天皇，賜親鸞諡號，爲見真大師。

日蓮，爲安房國小湊漁夫之子。生於仲恭天皇承久三年，卽南宋寧宗嘉定十四年也。幼名善日麿。麿達十二歲，卽天福元年，南宋理宗紹定六年夏季，登小湊北之清澄山，師事道善法印，治孝經，及真觀政要等漢學，及弘法大師所著三教指歸諸籍。在學四年，達十六歲。卽嘉禎三年，南宋理宗嘉熙元年，十月八日，出家受戒。更名蓮長。翌年辭師，赴鎌倉遊學。研淨土及其他宗乘者，先後四年。迺入叡山，親訪俊範。奉以爲師。俊範者，當時著名之大德。叡山有唯一之大戒壇。固視爲日本佛教之大學院也。日蓮乃舉天台與真言之關係異同，佛果之根底，成佛之徑行，以及十宗之原起勝劣，如何判別，澈始澈終，加以極縝密之研究。抱此宿願，乃下叡山。更巡歷三井寺，四天王寺，高野山，鎌倉京都諸寺院。至三十二歲，復歸叡山。積其二十年來，考察檢慮之結果。乃得一最後之大主張。卽對於法華經之信仰堅定。所謂「法華經最第一」是也。意謂十宗之中，此爲真正佛教。無論救自身救

衆生，將果救世之大願。必以法華一乘，定釋尊一佛爲中心主義，乃可。雖八萬法藏，功德無量，各有特長。然釋尊眞意，靈山八年，法華經，卽其歸著。蓋此經，爲諸經中玉，佛臨般涅槃前所說。所謂大暢本懷，純圓實說。若能了此。則三藏十二部，便無遺義。不似以往諸經。尙兼方便權說也。若失此歸著之中心，一切經文論釋，不過虛說戲論而已。日蓮確信斯旨。還其故鄉之安房國，極力唱道。此乃日蓮布教之第一聲。事在後深草天皇之建長五年，四月二十八日也。考法華經，又名妙法蓮華。肇彼竺乾，流於震旦，三百餘載。爰自西晉惠帝永康年中，長安青門燉煌菩薩竺法護者，初翻此經。名正法華。暨東晉安帝隆安年中，後秦弘始，龜茲三藏法師鳩摩羅什，次翻此經。名曰妙法蓮華。至隋仁壽，大興善寺，北天竺沙門闍那笈多，後所翻者，同名妙法。三經重沓，文旨互陳。時所宗尙，皆弘秦本。蓋三藏法師，譯筆莊重雄健，莫與比倫。自梵而漢，獨得其旨。智者大師，（即天台大師，）曾有定論。經文計六萬九千三百八十四字。論者常云，活讀法華經，不愁不成佛。不可作普通文字觀。直講一字一佛可也。釋尊四十餘年，說法旣終。最後乃說此經。此二十八品者，乃宇宙生存之眞理，佛陀覺知之智慧。又卽我等之生命

也。日蓮信念如此。且以法統自任。卽本師釋迦牟尼佛，藥王菩薩，天台智者大師，叡山傳教大師，日蓮自身，一派相承。獨標真諦。本釋尊之委付，圖佛教之統一。其對於他宗他派也，不惜大聲急呼，爲徹底的挑戰。居恒有棒喝之標語四則。卽（一）念佛無間。（念佛者，皆應墮入無間地獄，）（二）禪天魔，（禪宗者，天魔之眷屬也，）（三）眞言上國，（眞言者，忘國家之惡法，）（四）律國賊。（律宗之徒，國賊遊民，）又屢次建言幕府，上其所著之立正安國論。攻擊他宗，不遺餘力。遂觸幕府之忌諱。於弘長元年，卽南宋理宗景定二年，流謫伊豆之伊東地方。弘長三年被赦，再還鎌倉。其對於佛教上之信念，不稍撓屈。幕府惡之。文永八年，再謫佐渡。文久十一年，始赦免焉。伊東，佐渡，兩次遷謫之外。曾被他宗法敵之襲擊者，不止一次。雖滿身創痕，而宗旨不變。蓋其忠于法華經之宣傳，不恤以一身爲貢獻也。迄五十二歲，自鎌倉歸身延山。領主波木井氏，爲造庵室。居山九年。弘安五年，卽元世祖至元十九年，八月感病。改赴池上之本門寺（今東京池上町），療養。十月十三日入寂。世壽六十一歲。日蓮著述之重要者。卽身戒體義，立正安國論，開目鈔，觀心本尊鈔，撰時鈔，報恩鈔等。法弟子中，有六老僧、十八中老，之稱

。一時名僧輩出焉。

眞空大師隱元，林姓，名隆琦。明福州福清縣東林人。林德龍之第三子。母龔氏。以明神宗萬曆二十年，（後陽成天皇文祿元年）十一月十四日戌刻誕生。九歲入塾。日夜勤學，深究天人之理窟。十餘歲後，每遇僧侶，必諮詢佛道修行之眞諦。及二十二歲，其母欲爲之議婚。初隱元甫六歲時，其父因公詣荆楚間。行蹤不明，音訊杳然。隱元至是歎曰。人生世間，親恩最重。今父所在，尙不能知，而娶妻焉。是大不孝也。迺請於母，先往探父。四年之久，徧至各地，並訪普陀山。終無所獲。私以爲普通孝養父母之道，已不能盡。惟出家得度，誕登彼岸。乃爲眞孝。具此決心，請於母，將往普陀山求法。其母曰，人有生，必有死。吾今已老，直如風前之燈。能畢吾世，汝再出家何如。隱元不欲拂母意，逕情直行。及二十八歲，老母病逝。旣歲大事，遂登福州之黃檗山。奉鑑源長老爲師。於翌年，庚申二月十九日，（元和六年）實行剃度。自是一心不亂，研求大法。嘗從道亨法師，天童密雲禪師，參禪黃檗山上。逮四十一歲，（崇禎六年）住持獅子岩，聞徑山費禪師，繼黃檗之法席。乃往任西堂職。偶書偈示禪師。師大悅。乃集金山徒衆。以自釋尊以來所傳之

大法，親授隱元。尋歸獅子岩。五年後，崇禎十年，卽明正天皇寬永十四年，德川三代將軍家光之中葉。師年四十六歲，遂住持黃檗山。修建伽藍，寺運稱中興焉。師之名聲益顯。官人賞賤，靡不崇拜。及五十三歲，遂將法席讓之法弟巨信行彌禪師。行脚諸山，開演布教。至龍泉寺，茲山爲百丈禪師說法之遺址。特喜悅焉。爲留連者久之。及巨信禪師退席。乃依衆願，再返黃檗住持。法幢益盛，視前有加。明亡清興。日本亦入德川之太平時代。巨信禪師之法弟超元禪師，渡日之長崎，唱道南山之禪風。爾時長崎地方，明之華商營貿易者，居留頗衆。並建有福濟寺，興福寺，崇福寺，各大寺。適崇福寺之住持逝世。檀徒公議，擬請居住興福寺之明僧無心性覺禪師承其乏。無心禪師，以不勝任辭。轉薦其法友也懶性圭禪師。也懶者，隱元師之第五高弟也。檀徒既同意。乃修書遣使，逕往黃檗，迎此大德。事爲隱元所聞。乃召也懶，使居首座，允與分座說法。也懶既決心東渡。不幸海上遭暴風。也懶端坐舟中，顏色如常。告同行者曰。『若吾得東向布道，此暗礁必穩渡。』風仍不止，舟乃沈沒。翌朝，但見師却端坐岩上，奄然入寂。後卒歸黃檗山中。無心禪師，緣此益痛嘆不已。興福寺主逸然禪師，亦明僧也。無心與逸然熟計。以爲

不如逕請隱元禪師，東來傳法。初由逸然作書敦請，託便船帶往。隱元師以年老固辭。第二次，除再致書懇切勸請外，並經長崎奉行（地方官名）先得幕府之許可，特派古石禪師親往，為第三度之拜請使者。隱元師感其真誠。乃曰，弟子之債務，父師應代償之。三年之約，遂以應諾。且曰，指花正脈，吾道果東。濟渡衆生，是乃本願。洪波萬頃，不足畏也。乃繫門弟十餘人，捨其十七年來馴住之黃檗山，決然東渡。時永曆八年，清順治十一年，日本後光明天皇承應三年也。師年六十三矣。（是年鄭成功寄港廈門，適台灣出征中，成功素信仰隱元師，鄭部下多數達官，到船歡送，並守護焉，）七月十五日，著長崎上陸。一時往觀者為之空巷。蓋以三百年來之大善知識之入國，為希有之奇瑞也。師在船中，常食之豆子，山芋，蓮根等。其殘餘者，上陸後乃種植之，播於全國。今日人通常所食之隱元豆，隱元蓮。顧名思義，仍視為珍品云。逸然禪師，到岸迎迓。入住興福寺，開堂說法。遠近僧俗，麇集日衆。是年即在崇福寺，興福寺度夏。風聲所樹，漸及京師。翌年之明歷元年（清順治十二年）秋，適閒住於大阪富田普門寺前。京都花園大本山妙心寺住持，龍溪性潛禪師，與其同志，協商之結果。乃以竺印禪師為使者，敦請隱元師來普

門寺說教。固辭不獲。乃偕諸信徒往焉。自下關順風揚帆。旋著大阪川口，上溯淀川。經龍溪大師等，迎入普門寺著座。時有瑞鳥來。繞座三匝，集屏風上。然後飛去。四座之人，感其祥異。每日說法，瞬及數月。爾時幕府規定。異國來者，德川將軍一概謝絕面會。慕師高德，延至城內躬親接見。並具黃金衣料等物多數供養。於是上自王臣，下逮庶民，景師德輝，一時恐後。有稻葉美濃守者，創立養源寺。特往迎師，爲佛像之開眼供養。有獨本禪師者，於深川精舍中，請師說法。有雲谷大德者，迎師於紹大寺，營供養。有水野監物者，願迎師常住城中說法。一時各大藩主，暨各大德，善知識者，慕師道風。誠極一時之盛矣。龍溪禪師爲師布教事，先後奔走於江戶幕府，及京都皇室間者。計十有八次之多。卒於萬治二年（清順治十六年）六月，以幕府之命，得受領現宇治郡大和田村之地域。即今黃檗山萬福寺之寺址也。寬文元年（清順治十八年）五月，創建該寺時。有勝性印居士者，入中土，渡天竺，往復多次。海外通之貿易巨商也。願以荷蘭人從雲南台灣所輸送之築城大木，名鐵梨木者，寄進。以充建立大伽藍之用。禪師大悅，字以「出格材」之名。今寺中尙有存者。八月二十八日，該寺落成。仍署中土寺名，爲黃檗山萬福寺。

師乃入寺住持。黃檗山三字豎額，萬福寺三字橫額，皆隱元大師親筆。書法亦至可寶貴云。師並依中土風景，定該地爲十二景。至今仍之。是年十一月四日，爲隱元師七十歲之誕生日。高泉曉堂兩禪師，代表福州黃檗前往。並携壽章壽軸，及各珍物致祝。高泉並製慶祝生日之千字文，今則傳爲規範文矣。又師頗致慨奈良京都諸山之佛像，造像多不如法。乃自中土特召著名佛師范道生，渡東監造。寬文四年，清康熙三年，師年七十三歲，自以爲年高。乃於九月，以其法席讓其高弟木庵性瑫禪師，退隱山內左側之松隱堂。翌年十月，太上法皇（入佛門者，日本自寬平法皇始，）賜以沈香，黃金，舍利，等物。一一奉偈。法皇感悅。寬文十一年，清康熙十年，師年八十歲，大施傳法一次。凡可傳法者，皆傳法焉。又傳諭大衆曰。凡常住物，毋得私。一度私者，難逃三途之苦。寬文十三年，清康熙十二年，師年八十二歲。二月三日，法皇問訊法要。乃書法語具答。深得法皇契許，賜以普陀山大士錦像，及香木焉。師大感泣曰。『老僧曾向普陀洛山發心。今乃拜領普陀洛山之聖像。自始至終，觀音大士之因緣也。』三月末日，師感微疾。二十九日，曾設本師徑山費隱禪師位，爲最後一次之供養。三十日，曾受法皇之慰問，並答禮。乃將

年來所持品，分與大眾。四月二日，法皇聞其病篤。顧左右曰：「禪師，國之寶也。若世壽得續，朕願以身代之。」情詞優渥，蓋異例也。并賜以大光普照國師徽號。翌三日清晨，告左右，勿遠離。午刻又曰：「老衲行期迫矣。」起坐執筆，端書詩偈如下：「西來柳粟振雄風，幼出槃山不宰功，今日身心俱放下，頓超法界一真空。」書訖，泊然遷化。世壽八十二歲。入寂後，五十年忌，靈元天皇賜謚爲佛慈廣鑑國師。一百年忌，後桃園天皇賜謚爲徑山首出國師。一百五十年忌，仁孝天皇賜謚爲覺性圓明國師。明治天皇曾賜有真空之勅額。大正天皇最後賜謚爲真空大師。

（以上各傳多由東遊紀略轉載）

二、日本佛教現在之狀況

就上文所述以往變遷之經過而觀。日本佛教約可分爲二期。維新以前，中國式之佛教也。維新以後，歐西化之佛教也。德川時代以上。其宗派之分，未必盡似中國。然宗派及教義大體均未離開中國之思想。維新以後則不然。因受政府之種種苛待。佛徒爲環境所壓迫。不得不亟謀救濟，遂一變其舊日之方式。又派遣僧侶留學歐西，吸收近代思潮，以圖改善。於是中國式之佛教，一變而爲歐西化之佛教矣。住持

寺院之僧伽，一變而爲社會上之僧伽矣。當維新之初。廢佛之聲迷漫全國。明治元年，下神佛判然之布令。廢社僧別當職。四年沒寺領。廢止門跡法親王復飾內裏佛式。一時各地毀佛廢釋空氣極濃。伊勢神領內，鹿島神領內，隱岐島領內，鹿尾島領內，完全廢止佛教。他如佛像佛畫之焚毀，佛殿堂塔之破壞。寺院或改病院學校，或撥歸地方官廳公用。（我國清末民初亦多類此）奈良福興等寺雕刻佛像最可珍貴。經書典籍均出先賢之手。一時燬滅無餘。莊嚴燦爛之道場，多數盡遭摧壞。此誠日本千餘年來佛教史上之大法難，雖中國三武之禍不是過也。然考厥原因。亦非無自。德川幕府三百年中。僧伽漸漸腐敗，失學喪行。只度其安樂之生活，戒律失毀。又因貴族專橫，窮征暴斂，民不聊生。逃逸出家者日衆。因此私度出家之風以開。考之延喜三年間。三喜清行意見書曰。『諸邦百姓爲課役租稅逃逸。私自落髮。濫披法衣。如斯積年漸多。天下人民三分之二，盡是禿頭。此悉家蓄妻子，口啖腥膻。形似沙門，心如屠子。』日蓮上人新池殿御消息曰。『於我國當時佛教之狀態。佛寺一萬有餘。國內男女在半分以上是僧伽。佛法繁盛。超於天竺漢土。』又砂石集中載有隱上人之言曰。『時移儀廢。中古以來，僅存受戒之徒，集諸邦上。走

巡戒壇。大小乘戒相不知，行儀莫辨。僅數謁次，空享供養之僧寶。持齋持律之人已絕。」云云。由是以觀。足見當時僧侶之多，戒行之壞。同時神儒兩教尊王攘夷之說。又復乘機以進。禍福之興，多由自招。劫運橫生。有由來也。當是之時。佛界傑出之士，亟謀挽救。一面輸金皇室，以濟國困。明治御極之調度，宮城六門之警衛，宮門橋路之行李，官軍糧餉之補充，多賴於此。兩本願寺，延曆寺，高野山之獻金，其最著者。而鴻雪爪等又用種種方法，來謀救濟。一面派遣徒衆留學歐西。接引近代之思潮，考察宗教之設施，以爲改善之準備。居士之中，先有大內青巒，後有河瀨秀治，島田蕃根，等亦起而擁護佛教。諸古德之用心，良苦。及至留學僧徒島地默雷，石川舜台，笠原研壽，南條文雄，井上圓了，高楠順次郎，等先後回國。始悉西洋宗教盛興之故。一意仿行。遂進而努力於教育事業，社會事業，以及佈道傳教之種種設施。一依基督教之成規，而施之於佛教。一反從前閉關自守之積習。以言學術，則依研究科學之方法而研究佛學。以言事業，則直向社會國家以及世界方面而邁進。當時雖不免有新派舊派之爭。而時勢所趨，新派終歸戰勝。新派人物，又迭向政府陳述意見。政府以其服務社會，利其有精神之教化。亦漸漸加

以補助，冀揚國光。以迄大正昭和，近數十年間。改進之猛，大有一瀉千里之勢。然佛教經此重大變遷，其方式迥不同前。而佛教真正之精神，因之多爲搖動。日本神佛一體之論從此打破。佛教思想、依科學之研究而漸漸昌明，且進而有趨向於世界之形勢。此不得謂爲無功於聖教。及其弊也。僧伽已無真正之僧伽。多數服社會上之職業。僧徒亦負徵兵義務，而持械殺人。又且加冠俗姓。娶妻生子，飲酒食肉。而戒律蕩然矣。迄以今日，僧侶中能嚴守戒律終始不逾者，雖不無其人。然殊不多觀。或謂日本現在只有伽、齋、佛教。而無常住僧寶。殆非苛論。

(一)宗派與寺院 各宗之派別，已如前章所述。明治以後，各置管長。由政府委充，掌理各宗之一切宗務。管長有任免本宗寺院住職之權。儼如行政機關之有所統屬。又復各製宗規宗憲，以爲各宗之規律。呈由政府批准施行。殆均受政府之統制矣。茲將昭和九年各宗寺院管長姓名及僧侶檀信徒數目調查表列之於左。

日			宗 眞							黃	曹		
顯本法華宗	日蓮正宗	日蓮宗	三誠門徒派	山照元派	出雲路派	木邊寺派	佛光寺派	興正隆教派	高田真淳派	大谷光暢派	本願寺派	驥宗	洞宗
笹川日堂	阿部日開	神保日慈	平條光壽	藤原善曉	藤邊光昭	木邊孝隆	澁谷隆慈	華國真教	常磐井堯獻	大谷光暢	大谷光照	關義道	秦慧昭
要法寺	本妙寺	事大石寺	專照寺	誠照寺	證誠寺	毫織寺	錦光寺	興正寺	專修寺	本願寺	本願寺	萬福寺	永平寺
京都新高倉	京都上野區	京都上野區	福井市	福井市	福井市	福井市	滋賀縣	京都府	京都府	京都府	京都府	京都府	神奈川縣
147,1110	143,943	125,1174	102,000	102,000	102,000	102,000	102,000	102,000	102,000	102,000	102,000	102,000	102,000
102,000	102,000	102,000	102,000	102,000	102,000	102,000	102,000	102,000	102,000	102,000	102,000	102,000	102,000
102,000	102,000	102,000	102,000	102,000	102,000	102,000	102,000	102,000	102,000	102,000	102,000	102,000	102,000

表內信徒指信仰皈依者而言，檀徒則信仰皈依而更委託葬祭追福等事。其各項數目係根據時事年鑑昭和十年刊。但各刊多有不同。若據大法輪雜誌之登載。全國寺院共七萬一千二百六十一所。僧侶二十萬一千六百二十六人。尼僧一萬零五百四十九人。檀信徒四千三百零八萬二千三百零八人。

日本佛教之外，有神道教，基督教。昭和五年，調查神徒之數，一千六百五十二萬六千人。神社十一萬一千零三十四所，教會一萬四千五百四十二所。基督徒則僅二十七萬三千人。與佛教比較不啻天淵矣。

(二)佛教教育 明治維新以後。義務教育施行。凡屬國民均須入校。僧侶自亦不能除外。佛教自受種種壓迫。亟謀振興。故各宗大德尤以提倡教育事業爲急務。佛教教育於是大進。復派留西學僧考察學術宗教及印度哲學等，以爲改善之借鏡。明治四年，本願寺改正學林林則。內設內學，國學，漢學，三寮。其他各宗亦均有進步。從普通學校漸至而有大學之設立。明治十九年，眞言宗改正學林制度，而設二大學林。一，東京護國寺新眞言宗大學林(後改爲豐山大學)二，高野山古義眞言宗大學林(後改爲高野山大學)。同年，臨濟宗亦設花園院(後改爲臨濟宗大學)。明治二十六年以後，相繼有眞言宗京都高等中學校，淨土宗高等學院，曹洞宗大學林(

現改駒澤大學）、天台宗大學、眞言宗大學、日蓮宗大學林（現改立正大學）、大谷大學、龍谷大學、律宗毗尼苑、之設立。佛教僧侶亦得學士博士之號。然時勢所牽，尙未及於女子教育也。明治二十八年以後，佛教女子教育始漸盛興。迄今全國佛教關係之女子學校已達八十餘所。茲將昭和九年佛教學校列表如次：

日本
佛教
大中小学

大學・專門學校

校名	宗派	校長	所在地	創立月年	教育方針	備考
龍谷大學	眞宗本願寺派	花田俊雲	京都市	大正十一年五月	攻究佛學宗教學哲學史文學爲目的並注重陶冶人格	
大谷大學	眞宗大谷派	河野法雲	市都市上京區	大正十一年五月	以佛學爲首位並授哲學及人文需要之學術	
駒澤大學	曹洞宗	大森輝戒	東京市世田ヶ谷區	明治十五年十月	教授理論及應用之學術養成指導人材振興宗風	
東洋大學	佛教	高楠順次郎	東京市小石川區		養成佛教各宗人材	
立正大學	日蓮宗	關本龍門	東京市品川區	明治三十七年四月	依日蓮聖人立正安國主義從理想人格主義設立精神教育	
大正大學	淨土豐山派天台宗	加藤精神	東京市豊島區	大正十五年四月	依佛教主義養成國家及佛教界需要之基本人材	
高野山大學	古學眞言宗	高岡隆信	和歌山縣伊都郡	明治十九年四月	研究事教二相秘密眞言奧義	初名古學眞言宗大學林後改眞言宗各宗聯合大學
日本大學 (宗教科佛教部)	網羅各宗	總長 山岡萬之助	東京市神田區	大正六年四月	教授各宗共通之基礎知識養成活動的人格	林後又改稱眞言宗高野山大學

日本佛法訪問記

大谷大專學門部	眞宗大谷派	河野法雲	京都市上京區	大正十三年三月	教授佛學及有關佛學需要之學術修業期限三年	
駒澤大學專門部	曹洞宗	大森禪戒	見前	大正十四年三月	同大學部	
立正大潔專門部	日蓮宗	關本龍門	見前	明治三十七年四月	同大學部	
大正大學專門部		加藤精神	見前	大正十五年九月	同大學部	
智山專門學校	新義眞言宗 智山派	高井觀海	東京市報橋區	大正三年三月	以養成本宗派教師為目的並養成中等教員資格兼從事社會事業	入學資格限於本宗派子弟絕對不許在俗者入學
臨濟學院專門學校	臨濟宗妙心寺派	後藤瑞巖	京都市右京區		禪的教育	由臨濟宗大學改稱
眞宗專門學校	眞宗大谷派 本願寺	一柳知成	名古屋市中區	大正六年六月	依眞宗需要學科教授研究以養成宗門有用人材為目的	
高田專門學校	眞宗高田派	眞弓慧光	三重縣河藝郡	明治三十七年四月	以堅固信念陶冶人格為主養成現代宗教家為目的	
佛教專門學校	淨土宗	小林瑞淨	京都市上京區	明治二十年九月	以本宗教師之需要施高等教育並以淨土宗乘為中心	
西山專門學校	淨土宗西山 光明寺派	小早川隨康	京都府乙訓郡	寶永二年	養成將來之活動宗教家	

中學校・實業學校		校名	宗派	校長	所在地	創立年月	教育方針	備考
京都女子高等專門學校	派	眞宗本願寺	朝倉曉瑞	京都市東山	大正九年四月	依佛敎主義養成高等專門敎育之女子		
千代田女子專門學校	派	眞宗本願寺	泉道雄	京都市麴區	昭和二年二月	依女子人格陶冶敎授適切高等學術技藝以佛敎主義敎養讓讓女性		
高田女子專門學校	眞宗高田派	眞弓慧光	見前			授宗門專門學養成信念爲主		
相愛女子專門學校	派	眞宗本願寺	大野開藏	大阪市東區	昭和三年四月	以佛敎的信心穩健之思想成爲現代負國家重任之女子		
比叡山中學校	派	天台宗山門	大須賀亮源	滋賀縣慈和郡	昭和八年二月	養成宗門中堅人物爲目的依中學課程外授宗乘及餘乘		
駒込中學校	天台宗	眞泉光歎	東京市本郷區	大正十四年十二月	以大乘佛敎精神養成眞正有力之人材鎮護國家順法自治			
關東中學校	通佛敎	和田幽玄	東京府北多摩	昭和二年四月	成實剛健忠厚之人材			

智山中學校	新義真言宗 智山派	御嶽隆道	東京市板橋區	大正十五年 二月	以佛教精神教育養 成將來國民中堅得 用之人士
成田中學校	同宗上派	今澤慈海	千葉縣成田町	明治三十一年 年十月	養成個性發展社會 的能力重品性禮節
豐山中學校	真言宗新義 派	西垣恒矩	東京市小石川	明治十九年	以慈悲剛毅禮節品性為 教育之核心并躬行實踐 鞏固信念愛好勞動啓發 心力
明倫中學校	真言宗豐山 派	山口永隆	千葉縣印旛郡	明治三十六 年七月	校長山口永隆創立二 十五年始終一貫尊皇 崇拜智育德育並重
市川實業學校	同上宗派	伊藤教順	千葉縣市川町	大正十年六 月	授公民日常必須知 識涵養德性養成他 日中堅國民
高野山中學校	古義真言宗	長谷都琢道	和歌山縣	明治十九年 五月	真言宗義及佛教一般要 義並重養成道念堅固將 來為國家社會得用人材
花園中學校	臨濟宗	森島海音	京都市右京區	大正十四年 五月	以禪學為精神涵養 闡祖風教教育
財團鎌倉中學校	臨濟宗建長 寺派	著原東丘	神奈川縣	大正十年九 月十日	特重修養人格陶冶品性 以禮義廉恥為信條以慈 悲勤勞為規律發揚個性 能力養成確固不拔之信 念獨力敢為服務社會

龍谷中學校	眞宗本願寺	松信定雄	佐賀市	明治四十年三月	尊重大格涵養國家觀念及佛教信念養成實力充實學力鍛鍊身心獎勵武道	
平安中學校	眞宗本願寺	渡邊隆勝	京都市下京區	明治四十三年二月	願長上慎重交友嚴守規律整肅威儀勉勵學術養成高潔志操	
萬生農商學校	曹洞宗	永井泰量	榜本縣善塔寺	明治四十一年四月	發揮愛國護法精神敬行商世間事業	
多多良中學校	曹洞宗	門脇探玄	山口縣佐波郡	明治三十五年	以宗乘爲正課並參禪辦道	
愛知中學校	曹洞宗	大塚道光	名古屋市東區	明治三十六年七月	授一般教育外注力於訓育	
梅檀中學校	曹洞宗	櫻井肇山	仙臺市	明治三十五年七月	以敬佛精神教育宗門內學生	
世田ヶ谷中學校	曹洞宗	安藤文英	東京市	明治三十五年十月	信奉佛祖忠君愛國敬順長上勤究學術	曹洞宗設有四個中學校此其一
紫野中學校	臨濟宗	勝平大喜	京都市上京區	明治二十五年三月	以佛陀大慈悲心教育爲根本精神涵養德性陶冶人格注重禪的學風養成勤勉奉公堅忍進取主力人材	

三島實務中學校	時宗	桑畑龍音	町靜岡縣三島	明治四十一年十一月	完成人格地方化實際化	模範青年皆此校出身
育英中學校	淨土宗	齋藤典蔡	茨城縣	明治四十三年四月	以訓練自治人格教育爲主眼養成時代思潮中之公明正大堅實人材	創立以來二十五年卒業者一千二百多人地方中堅
上宮中學校	淨土宗 鎮西	小林大巖	大阪市天王寺	明治四十五年三月	敬土慈下精神涵養並培崇拜祖先觀念	
東山中學校	淨土宗	江藤徵英	京都市左京區	明治四十五年二月	爲卒業後切合社會實際作業設有中國語珠算習字簿記等科	
東海中學校	淨土宗	鈴木眞順	名古屋市東區	明治四十二年九月		
芝中學校	淨土宗	藤田寬隨	東京市芝區	明治三十九年三月	遵法自治注重精神訓練	
高田中學校	眞宗高田派	眞弓慧光	三重縣河藝郡	明治四十年三月	養成本宗派內寺院子弟堅固信念強固國家觀念	
大谷中學校	眞宗大谷派	河邊慶緣	京都市東山區	大正十二年二月	養成國民本分堅實之人格眞摯服膺國家及佛教界	
崇德中學校	眞宗	觀山覺道	廣島市	大正二年四月	訓育方面特重佛教精神	
中央商業學校	本願寺派	南岩倉具哉	東京市市橋區	明治三十五年五月	實行誘導自治修養	

鎮西中學校	龍谷中學校	北陸中學校	東寺中學校	金鐘中等學校	藤澤商業學校	藤澤中學校	立正商業學校	立正中學校
淨土宗	同上	眞宗本願寺派	眞言宗	華嚴宗	同上	時宗	同上	日蓮宗
五島法眼	松信定雄	楠法龍	岡田戒玉	齋尾隆慶	同上	林義善	同上	關本龍門
町熊本市大江	佐賀市	郡福井縣吉田	區京都市下京	奈良市	同上	神奈川縣	同上	區東京市品川
明治三十八年四月	明治十一年四月	明治四十三年四月	明治三十五年四月	大正十五年四月	昭和六年三月	大正四年五月	大正四年四月	明治三十七年四月
以佛教的信心涵養德性為核心養成智育德育體育完全人材	及國家觀念養成充實學力獎勵武道	尊重人格涵養佛教信心成確乎不拔的氣象	養成國民道德薰陶向上人格	以國民道德陶冶品性養成知恩報德善良忠誠之國民	成堅實有為人材	以德育為主要點以人格教育為目的依佛教的信心培植有為的人材	養成有人格德性智家之公明純正實業	以涵養智德並進穩健中正實實剛健人格為主眼

學林、專門道場等

校名	宗派	學長	所在地	創立年月	教育方針備考	
比叡山專修院 叡山學院	天台宗	田村德海	滋賀縣	大正十四年三月	以攻究天台宗家法 解行並進養成大乘 菩薩僧爲目的	入學資格甲部中 等卒業以上乙部 高等科二年終了
叡山學寮	天台宗	清原惠弘	同上	大正十年四月	半修半學寮長以下 教員共起居勸行專 重僧風教育	
天台宗眞盛派 專門學寮	天台宗眞盛派	長谷川眞徹	滋賀縣 延歷寺內	大正九年一月	以修行勞作爲中心 並念佛坐禪行脚傳 道	
叡山學寮	天台宗	清原惠弘	滋賀縣叡山 延歷寺內	大正十年四月	宗風教育	
東京專修學校	新義眞言宗 豐山派	小野塚興澄	東京山小石 川區	大正十四年四月	養成豐山派教師僧 侶	
毗尼苑	律宗	北川智海	奈良縣唐招 提寺內	明治三十四年六月	三時勤行	
法相宗勸學院	法相宗	佐伯定胤	奈良縣生駒 郡	明治二十八年九月	研究教理陶冶人格	專攻法相宗學府

院 私立花園專修學 寺派 臨濟宗妙心	臨濟宗永源寺派 寺派 永源寺派	南宗寺專門道場 寺派 臨濟宗大德	虎溪專門道場 寺派 臨濟宗南禪	宗榮尼衆學林 妙心寺派	臨濟宗佛通寺派 寺派 佛通寺派	臨濟宗妙心寺派 寺派 妙心寺派	臨濟宗相國寺派 寺派 相國寺派	美濃尼衆學校 寺派 臨濟宗妙心
神月徹宗	高木獨鳳	橘誼廓	加藤至道	伊藤宜周	山崎益州	神月徹宗	山崎大耕	濱村精道
區 京都市大京	寺 滋賀縣永源		郡 岐阜縣可兒	郡 愛知縣丹羽	山 廣島縣大本 佛通寺	寺 京都市國福	區 京都市上京	寺 岐阜縣天衣
年 明治四十三 二月	月 康安元年正	明 治二年	天 保三年	十 月 明治二十年		天 明三年	月 文政元年九	三 月 明治十四年
並 立 修 佛 典 儒 典 二 科 並 立 梵 唄 習 字 等 課	社 會 教 化 傳 道 者	錄 參 究 宗 旨 提 唱 碧 巖	爲 目 的	以 參 究 禪 學 與 義 家 爲 目 的	之 尼 僧	義 內 觀 自 省 德 育 第 一	錄 一 六 三 八 日 提 唱 祖	僧 授 內 典 並 普 通 常 識 養 成 適 應 現 代 之 尼
					專 究 禪 學	畢 業		凡 妙 心 寺 派 之 宗 務 皆 歸 本 校 指 揮 處 理

永源寺專門道場	祥福寺專門道場	平林寺專門道場	圓通寺專門道場	建仁寺派專門道場	天龍寺派專門道場	建長寺派專門道場	圓覺寺派專門道場	南禪寺派專門道場
同上	同上	妙心寺派	南禪寺派	臨濟宗	臨濟宗	臨濟宗	臨濟宗	臨濟宗
古仲鳳洲	五葉愚溪	峯尾宗悅	赤井義勇	竹田穎川	關清拙	菅原時保	太由常正	河野霧海
名古屋市東區	神戶市	崎玉縣	佐賀縣	京都市	京都府天龍寺	神奈川縣建長寺內	神奈川縣	京都市左京區
								約六百年
					專用坐禪工夫養成 真能興隆正法的人 材	布施傳道	養成天人師表持續 佛教慧命	坐禪辦道以徹底大 悟爲目的

梅林寺專門道場	同上	東海東達	久留米市				
瑞龍寺專門道場	同上	濱村精道	岐阜市	應仁元年十月	須具有普通大學卒業資格參禪辦道見性大		
尼衆學校	淨土宗	日野西德寶	京都市東山區	明治四十五年五月	授淨土宗一般佛學知識養成淨土宗尼僧教師爲目的		
隱岐華頂女學院	同上	名越隆成	島根縣	大正十三年四月	本大乘佛教精神陶冶人格品性	內設西郷幼稚園與夜校	
共生夜學校	同上	同上	同上	昭和二年四月			
惠門僧堂認可禪林傘松學園	曹洞宗	監院與後堂就任	福井縣永平寺內	昭和三年三月	參禪辦道須有中等高等程度並限本宗僧侶以養成布教傳道傳持法燈爲目的	專門禪林部現有大學專門學校卒業者約三十名安居參禪	
崇德專修學院	眞宗	觀山覺道	廣島市	大正三年四月	養成本宗派教師爲目的		
佛教專修學校	曹洞宗	小松原國乘	名古屋市中區	大正九年四月	研究佛教教理並重實踐練習布教法式		
淑德裁縫女塾	曹洞宗	仁科彥見	高渡市大雲寺	昭和三年十月	習得婦人必須之技藝通達通俗佛教教理養成修身齊家婦德	半修半工半讀	

堀之内梅檀林	日蓮宗不受不施 講門派宗學林	立正學院	新田學館	大明學園	明德館	明倫義塾	自修學校	曹洞宗關西尼學 林
日蓮宗		日蓮宗	同上	同上	同上	同上	同上	同上
堀田正	佐藤日柱	深見靈照	松尾俊應	高田儀光	橋本等珉	庄司德猷	大井龍跳	陸鉞巖
寺 東京市妙法	寺 岡山縣本覺	寺 大阪市天王 寺區	寺 羣馬縣大通	寺 傍木縣本光	寺 三重縣光明	千葉縣	寺 神奈川瑞靈	區 名古屋市東
明治十五年 十一月	明治二十九年 十二月	大正八年六 月	明治四十二 年	大正六年三 月	明治二十八 年九月	大正三年一 月	昭和四十三 年	大正十五年 五月
依立正主義施設僧 風教育智德並進期 成向上人格	養成地能布教傳道人材 成績優秀者由林貼學費 升入宗立或官立大學	授本宗內子弟護法 扶宗的必要智識技 能	以佛教的信心養成 地方少年青年堅實 人格	以叢林生活精神養 成地方自治團體中 堅人物	專授貧困子弟佛學 知識並授漢文史地 等學科	坐禪修證	知行一如	以行解相應授本宗及餘 乘普通高等學科養成普 洞宗尼僧布教傳道人材
養成宗門 特殊學校 生徒二十三名 人材之								

本門法華宗學林	本門法華宗	釋月遵	尼ヶ崎市	明治三十三年九月	養成本宗教師
本門宗宗學林	本門宗	竹部日正	京都市要法寺		第一修行第二學問 第三僧風教育修學 限三年
龜山女塾	本派本願寺	佐木圓梁	兵庫縣	昭和九年	以淨土真宗教義為 基本教育注重婦人 實際生活的訓練
中央佛教學院	同上	山崎精華	京都寺右京區	大正九年四月	養成本派本願寺教 師為目的
北陸專修學院	同上	楠法龍	福井縣吉田郡	明治四十三年四月	養成穩健執中確乎 不拔的精神喚起努 力報恩佛教的情操
龍谷專修學院	同上	松本定雄	佐賀市	明治四十一年三月	尊重人格教育
三松學林	曹洞宗	孤峰智燦	橫濱市總持寺	昭和五年三月	養成曹洞宗僧侶 教師資格

表外另有女學校六十二所未錄。

就上表觀之。佛教學校，已有此可驚之數目。則日本教育之進步，可想而知。表中所列大學。最長歷史，有在五十年以上者。中學有六十年以上者，而學林及專門道場，更有達一百年以上，乃至數百年而迄未中斷者。此種學林道場。現在多以培養各宗布道教師。猶如我國速成專門學校。各宗各派教育實施方法，亦各不同。茲不盡述。

(三)佛教之社會事業 維新之後，全國傾向於物質文明。及基督教之流入，在在均有危害佛教之情勢。明治中期，留學歐西之僧衆先後回國。鑒於西洋宗教之盛。始漸放棄舊日方式，一依基督教之成規，而向社會國家方面力圖進展。明治二十五年，先創立佛教青年會。其後，夏期講學會，日曜學校，少年佛教會，監獄教誨，出獄人保護，婦人會，醫院，施療所，救貧設施，盲啞教育，鐵道布教，軍隊布教，工場布教，看護婦養成所，福田育兒院，養育院，郵兵部，等各種社會事業，繼續興起，又復提高教師佳持之資格，養成布道之人才。大正以來，各宗本山均設專課辦理社會事業。如濟貧，養老，兒童扶育，農村救濟，地方水旱災變，等或臨時由寺院募集，或沿街托鉢求助。現在全國佛教慈善團體達二百餘所。此外布教事業

，社會教化學校，書誌，以及佛教精神之感化事業，乃至現在無處而無佛教徒插足其間。尤其日蓮宗，每日街頭巷口到處均有其徒布教。亦云盛矣。

(四)佛教之出版事業 大和民族精敏卓絕，而富於仿效性。維新以前。一切文物下至衣食之類。無不仿效中國。維新後，既與歐西文化接觸。遂一意仿效歐西。以彼之長救己之短。但亦決不取彼短而掩己長。此日人之奇特處。亦誠吾人所欽佩讚歎者也。佛教情形亦復如是。明治初年，國內佛教受種種侵凌，極圖改善。派遣僧侶留學歐西。乃與泰西思潮接觸。所有歐美近代思想，無不輸入。然與原來思想難免發生抵觸之處。遂起糾紛。如地動說與須彌說，大乘非佛說，等問題因而發生。明治九年，佐田介石就佛教和印度古天文地理學，研究發明天象觀測機。著天動等象記。據須彌說以破地動說。明治十九年，井上圓了著排耶穌教之理論，佛教智力情感雙全之宗教論，破耶新論，等書。此東西思想衝突時期之刊物也。佛教徒努力革新運動。於新聞紙之出版亦逐漸發達。海外學僧歸來。羣致力於佛教原典之研究。(即巴利語梵語佛典與漢文對照研究)引起學者之注意。明治十八年起以迄現在。大藏經之集刊共有四次。最後一次名大正修訂大藏。總合麗宋元明四藏之大成。並

唐字
法字
麗

搜求逸本，增補圖像，加入日本撰述，今春告成。三百人之工作歷十二年之久，始克藏事。實爲今日世界漢文佛藏中最完全之刊。主其事者。卽留學歐西僧人佛教革新運動者之高楠順次郎也。新近又有日譯南傳大藏經之出版。（原文爲巴利語之一切經典）此爲日譯佛典之創舉。主其事者亦爲高楠氏。高楠氏與南條氏於一九〇五年（即明治三十八年），創立巴利原典協會。卽從事於巴利佛典之研究與翻譯。今告完成。可稱偉業。一九一二年（即大正元年），姊崎氏出刊佛教倫理及道德，曹洞宗山上曹源氏出刊佛教思想大系。爲補益歐西學者有價值之著作。其他佛教信仰實話，佛教經典解題，佛教新布教大系，高僧名著全集，以及各宗全書，相繼出版。至新聞雜誌等刊，邇來益見發達。各宗派之定期刊，與不定期刊，日刊，月刊，周刊，等約有二百餘種。其中最著名者。爲高楠博士主辦之現代佛教，大谷光瑞主辦之大乘，以及禪之生活，佛教思想，中央佛報，眞宗世界等刊。月刊，周刊，則有中外日報，文化時報，教學新聞，等。取材豐富，銷路亦廣。總之，維新以前之佛教。爲印度中國傳入之佛教思想，及傳統之修學。僅佛教聖典訓話之研究而已。至接引歐西思潮以後。泰西關於佛教科學之研究，佛教歷史藝術之研究，佛教哲學思

想之研究等等一概輸入。其研究佛教之方式及意義，與前迥不相同。故日本佛教遂一變而爲近代科學化矣。是以近年之刊物著作，均富於近代科學之意味。故謂日本佛教思想，完全受留歐學僧之領導支配。亦無乎不可。

三，眞言宗之概況及高野山之訪問

余因高野山金剛峯寺之歡迎在山作三日之留連，並參加結緣灌頂。故於眞言宗之狀況，考察較詳。茲略述之。

(一)眞言宗之來歷 大日如來（梵名摩訶毗盧遮那佛即釋迦佛之法身）於法界宮，以兩部之傳法灌頂授諸金剛薩埵。又使受持兩部大經。金剛薩埵既承傳法秘靈。遂結集兩部大經各十萬頌，納之南天鐵塔。釋迦佛滅後八百年，龍樹菩薩（亦稱龍猛）應佛懸記而出世。開南天鐵塔，親受大法於金剛薩埵。又賸以兩部之大經。龍樹授之龍智。龍智授善無畏及金剛智兩三藏。善無畏於唐玄宗開元四年入中國。遂以金剛胎藏兩部灌頂之曼荼羅授之一行。是中華密宗之始。一行入滅。法嗣無人。善無畏之法脉遂斷於中國。而有一脉，一行傳之順曉。順曉傳之傳教大師最澄。因而流入日本。是爲台密。及至金剛智與其弟子不空偕來中國。奉勅開灌頂之壇盡力

傳道。此爲胎藏金剛兩部系統之密教第二次傳入中國。不空之徒甚衆。青龍寺慧果和尚爲其嫡傳。

弘法大師空海，日本真言密教傳燈之高祖也。延歷二十三年，銜命入唐，學法於長安青龍寺慧果阿闍黎。以大同元年齋相承之儀軌本經回國。於高雄山寺開壇灌頂，廣度人天。而以東寺爲根本道場。於是真言遂開宗於日本。先是，傳教大師本已先於弘法而行灌頂修密法。然傳法雖承密教，而以天台爲本。故後世仍以弘法大師爲真言宗之高祖。

(二)法祖之尊崇 真言宗之來源，既如上述。密教重祖師。歷代相承，法統不斷。在西藏密宗法統。自釋迦佛起，代代相傳。以至自己之上師，承襲不斷。在日本則有付法八祖與傳持八祖二者之別。即自大日如來至慧果以迄弘法大師稱爲真言付法八祖。而善無畏一行即付法傳持真言密教者。故加之以爲傳持八祖。


付法八祖 大日如來 金剛薩埵菩薩 龍樹菩薩 龍智菩薩 金剛智三藏 不空三藏
藏 慧果阿闍黎 弘法大師

傳持八祖 龍猛菩薩 龍智菩薩 金剛智三藏 不空三藏 善無畏三藏 一行禪師

慧果阿闍黎 弘法大師

(三)眞言宗之派別 前篇已述其大略。初空海之弟子達數百人，而實慧，眞雅，果鄰，眞濟，道雄，圓明，眞如，泰範，智泉，忠延十人稱爲十八弟子，以其能傳兩部灌頂之極秘，承一多法界之王璽也。然眞濟等八弟子之傳皆絕。惟實慧則以眞昭宗叡次第相承，而傳於南池院源仁。眞雅則直傳於源仁。兩師之相承。萃於源仁一身。故世稱爲東密一多並眞之祖。

源仁之後，門下出益信聖寶兩大傑，而有廣澤小野兩派之分。後復分成十二流派。茲列統系如下



宗派支分雖如上述。然皆事相上之區別。如其說而修行，皆能得道証果。在教義上固無甚差別。又其漸次派別之分。本亦自然之勢。應時機之方便，而有不能自己者。其教義之分古新二義。則自覺鑿始。覺鑿主張大日經教主加持身之新說，唱立人境一致之見。不會金剛峯寺法義。遂率其徒衆移於根來山，創根本道場。高樹加持身教主之法幢。甲論乙駁。氷炭已久。迨天明年間，新義又有智山派與豐山派之分。豐山智幢房法住僧正深探淵源事項之秘密。和會新古之異義，著秘密因緣管絃相成義二卷。於是新古二義會合。積年之爭議。始漸平息。現存宗派多以山名。約別爲九。分列於后

古義眞言宗 大正十四年合併高野派（弘法大師創）御室派（仁名年中光孝天皇創於仁和寺）大覺寺派（嘉祥年中恒寂親王創於大覺寺）三派而成。以高野山金剛峯爲總本山。以仁和寺大覺寺爲大本山。

眞言宗醍醐派 貞觀十六年聖寶上人創醍醐寺。即以爲總本山。

東寺派 弘仁七年，朝廷賜東寺，即以爲總本山。

山階派 昌泰三年右大臣藤原定方奉旨創勸修寺。即以爲大本山。

泉涌寺派 建保六年，俊苳中興泉涌寺。初兼四宗學地。明治五年，歸真言宗。即以爲大本山。

善通寺派 原爲小野派。本山在京都。昭和六年，以善通寺爲大本山。

新義真言宗 弘法大師入定後，經三百年。覺鑠上人於紀伊國根來山，創大傳法院。是爲新義真言宗之始。後分智山豐山兩派。

智山派 玄宥上人爲第一世。以京都智積院爲總本山。

豐山派 專譽上人爲第一世。以大和長谷寺爲總本山。

真言律宗 本宗之弘通，始於天平年中，唐沙門鑑真大師。律密之趣旨併立。是以稱真言律宗。以大和西大寺爲總本山。

(四)灌頂與曼荼羅 密教灌頂之儀式。由於印度曩昔輪王太子正位時，汲取四大海水灌頂之禮。蓋是時太子尙未即輪王之位統御四海號令天下也。而其德卽已成就於內矣。未來之行人而受此灌頂。則未來成佛，而繼受毗盧遮那法王之住定。即授以當來成佛之記莢也。必應用輪王太子灌頂之法而行此法者。示世間相卽菩提道之意也。是謂以世間之淺名，顯法性之深意。灌頂之種類，依與教大師分金剛界爲五

部，胎藏爲三部。五部者。事業灌頂，秘印灌頂，心授灌頂，光明灌頂，甘露灌頂也。三部者。事業灌頂，秘印灌頂，心授灌頂也。曷謂事業灌頂。阿闍黎（卽法師有傳法之資格者）爲弟子建立灌頂曼荼羅。緣壇之支分悉備。行廣大之供養而授與灌頂也。此視弟子之資力豐富而行之。故又名具支灌頂。卽現今之傳法灌頂是也。曷謂秘印灌頂。弟子雖信心堅固，深信樂真言行而資力缺乏。不能具辦緣壇之支分。使備少供養而授與本尊之秘印。故又曰手印灌頂。卽現代之許可灌頂是也。曷謂心授灌頂。師資皆三昧耶成就之人所作之法也。故於弟子之淨菩提心上建立曼荼羅而行灌頂。又謂以心灌頂，秘密灌頂，心想灌頂。此之灌頂，無需心外之曼荼羅。故不擇時方。現代之瑜祇灌頂是也。曷謂光明灌頂。諸佛菩薩放光明以加持行者是也。曷謂甘露灌頂。以部主之眞言加持香水而灌灑是也。又於事業灌頂中有結緣，學法，傳法，三者之別。結緣灌頂者。不擇是器非器，乃至強入曼荼羅，使投華而結佛之因緣作法也。以其華所附著之尊爲結緣之佛。次學法灌頂者。阿闍黎爲深信密教之弟子，特建曼荼羅引入投華。授與其所得本尊之三密，而使修學修行之作法也。故又名受明灌頂。次傳法灌頂者。阿闍黎鑒知其弟子於三密之法門，修學修行

，堪紹師位。特建曼荼羅，引入使投華，而授以阿闍黎之職位。令法久住佛種不斷之作法也。是中結緣，學法，通於道俗。傳法則僅限於僧人。此日本灌頂法之概更亦卽瑜珈密宗灌頂之通例也。若無上瑜珈則與是稍異。種類亦有不同。傳法灌頂略不限於僧俗。西藏現行之密法是也。

曼荼羅舊譯爲壇。取平坦之義，即平等周遍十法界之意也。不空三藏等翻爲輪圓具足。如足輞輻轂轆也。地獄，饑鬼，畜生，修羅，人天，聲聞，緣覺，菩薩，佛，十法界之依報正報，悉皆圓滿具備，無絲毫缺欠之義也。又翻聚集。十法界有情無情等一切法聚集之意也。或翻發生。佛開顯自心之曼荼羅竟，還以之開發一切衆生本有心地之曼荼羅，而使生起之意也。此外又有無比味，無過上味，道場，莊嚴，等之譯名，蓋曼荼羅一語，含義甚多。所引諸譯皆據其一義而翻。故有種種不同。曼荼羅有普門，一門之分。金胎兩部之曼荼羅爲普門法界曼荼羅。以普門總體之毗盧遮那爲主尊故。彌陀曼荼羅，釋迦曼荼羅，愛染明王曼荼羅，等。爲一門之曼荼羅。以皆自大日如來無量差別智印中之一智而現。成大日如來之眷屬，各主一門之德，接一門之機故。曼荼羅爲密教真髓。卽地獄等之十法界，亦各圓具十法界之一

切法無缺焉。爲示此眞理故。假丹青之功而繪說之也。且宇宙萬有事，事物物相互圓具，相互主伴，融會無碍。而各形成曼荼羅。故地獄界有地獄爲主之曼荼羅。地獄爲主之曼荼羅，地獄之曼荼羅也。餓鬼界有餓鬼爲主之曼荼羅。餓鬼爲主之曼荼羅，餓鬼之曼荼羅也。推之花有花之曼荼羅，我有我之曼荼羅，彼有彼之曼荼羅，從可知矣。

金剛胎藏兩界曼荼羅，古云皆爲龍樹菩薩之指授，龍智菩薩圖之。或謂胎藏界曼荼羅爲無畏三藏於金粟王塔下空中感見所寫。金剛界曼荼羅，爲金剛智三藏於空中感見之所寫。但其理不分明，又無確證。不足據也。古傳慧果和尚特爲弘法大師命畫工圖畫者。今日本均從此說。

密教事相甚繁。且對未受頂灌之人，依教義應守秘密。茲不細述。凡有志習密者，應從阿闍黎而請教焉。

(五)高野三日記 五月三日晨余同李勃言君及日僧吉井芳純，由大阪驛搭公共汽車至難波，改搭電車。午刻抵高野山下。金剛峰寺庶務部長高橋慈本派井林君來接。復搭爬山電車達高野山驛，再換汽車始達山門。步行至龍光院。井林君招待余等

下榻於此。龍光院在野山爲中等廟。規模不大而清幽雅靜。相傳爲弘法大師習靜之所。駐錫於此約二十年之久。現任住持諦見老和尚。德行純潔，和藹慈悲。余等拜謁傾談。不勝敬服。

四時，同勅言吉井步行到金剛峰寺，謁管長高岡隆心。高岡管長因公下山。得晤總務部長釋法傳，庶務部長高橋慈本。暢談中日佛法聯絡事項，并及中日密教研究會事。辭出後，參觀左近之金堂及大塔。

高野山爲和歌山之一部。地高海拔三千尺。周圍十六峰，形成內外八瓣蓮花。故號淨土。弘仁七年，嵯峨天皇賜與弘法大師開建道場。初禁女人登山。凡女人朝拜者至山腰女人堂而止。明治五年解禁。現山中人口有六千餘口，僧七百八十餘人。寺院一百二十餘。其中因歷經破壞，現在堂宇完整者僅五十寺耳。金剛峯寺爲古義真言宗總本山。本宗管長居焉。舊名青巖寺。明治元年始改今名。現有之寺宇爲文久元年（約七十五年前）重建。去歲，弘法大師入寂一千一百年紀念。增建屋堂，頗稱富麗。

金堂，爲當年弘法大師創建。內供高村光雲所造藥師如來像。其殿堂歷於正曆五年

，久安五年，大永元年，寬永七年，天保十四年，昭和元年，迭遭雷火燒燬。迭經重建。昭和九年，紀念弘法大師入寂一千一百年法會再建此堂。正面二十二間，側面十八間，完全洋灰鐵筋造成。較前愈加壯麗。

大塔，爲昔年金堂落成後弘法師表請建造。屢燬於火。久安五年（約七百八十五年）燒失後，平清盛之重建。平清自用頭血畫本尊大曼荼羅供於塔內。此血曼荼羅現存於靈寶館。現今之塔高十六丈。周圍四面，共十六間。洋灰鐵筋造成，異常堅固。內供五佛像。中尊，胎藏界大日如來（高二丈九尺五寸）。四隅阿闍，寶生，彌陀，不空·四佛。

晚間，大阪每日新聞駐山記者阿曾沼來訪。談甚久。

四日午前同勃言吉井乘人力車參謁各廟。經過御廟橋抵與之院。御廟指弘法大師塔廟，即與之院。御廟前有橋曰御廟橋。橋前古杉森森，以數萬計。路旁墓塔不計無數。上自王侯，下至庶民，率以靈骨葬此爲幸。蓋清淨勝地冀得佛力加持也。內有中國和尚顯蔭法師塔。堪爲記述。

顯蔭，江蘇崇明縣宋氏子。師事寧波觀宗講寺諦閑法師爲僧。天資穎慧，博通經論

中國和尚
顯蔭
法師塔

。民國十二年就學高野山，從天德院金山阿闍黎修習密教。受傳法灌頂。十四年二月回國。至上海罹病。陰歷五月示寂。年僅二十四歲。高野山僧俗醮資建造此塔。以此功德回向菩提。

過御橋即抵奧之院。前爲燈籠堂，後爲御廟（即弘法大師塔）。燈籠堂滿掛銅燈不下萬數。所謂高野萬燈，長夜不息者也。余頂禮畢，供養燈油一盞一晝夜，御廟（即大師塔）爲屋形。塔門閉合。前有木柵欄。又有銅質大五供，甚爲壯觀。吉井和尚告余，師入定塔中以待彌勒降世。延喜天皇時，曾賜檜皮色法衣一襲，勅東寺長者兼金剛峰主座觀賢僧正開塔替換。見大師肉身如生，髮長及肩。益爲明証云云。其或亦如迦葉尊者，宗喀巴祖師，之遺意乎。

燈籠堂旁爲不動明王殿。內供木像。吉井謂係弘法大師四十二歲時，因修息災護摩，而自刻者也。頂禮畢，在授經所請弘法大師繪像及護摩灰造像各一尊。懷歸。十時，參觀高野山佛教大學。學長和田性海博士招待懇談。並贈余高野山大學要覽一冊。學校前於明治十九年開校，先稱學林，大正十五年始改今名。茲將其各科課目抄列於次，以供吾國學者之參考。

密 教 學 概 論	同	佛 教 學 科	密 教 學 概 論	同	佛 教 學 科	密 教 學 概 論	同	佛 教 學 科
密 教 史	同	上	密 教 史	同	上	密 教 史	同	上
密 教 學 特 殊 講 義、 講 讀 及 溫 習	同	上	密 教 學 特 殊 講 義、 講 讀 及 溫 習	同	上	密 教 學 特 殊 講 義、 講 讀 及 溫 習	同	上
佛 教 學 概 論	同	上	佛 教 學 概 論	同	上	佛 教 學 概 論	同	上
原 始 佛 教 學	同	上	原 始 佛 教 學	同	上	原 始 佛 教 學	同	上
小 乘 佛 教 學	同	上	小 乘 佛 教 學	同	上	小 乘 佛 教 學	同	上
天 台 學	佛 教 學	佛 教 學 科	天 台 學	佛 教 學	佛 教 學 科	天 台 學	佛 教 學	佛 教 學 科
華 嚴 學	佛 教 學 特 殊 講 義、 講 讀 及 溫 習	佛 教 學 科	華 嚴 學	佛 教 學	佛 教 學 科	華 嚴 學	佛 教 學	佛 教 學 科
唯 識 學	佛 教 學 特 殊 講 義、 講 讀 及 溫 習	佛 教 學 科	唯 識 學	佛 教 學	佛 教 學 科	唯 識 學	佛 教 學	佛 教 學 科
三 論 學	哲 學 概 論	哲 學 科	三 論 學	哲 學	哲 學 科	三 論 學	哲 學	哲 學 科
宗 教 學 概 論	同	上	宗 教 學 概 論	同	上	宗 教 學 概 論	同	上

印度佛教史	同	上	同	上	佛 教 史
支那佛教史	同	上	同	上	西洋倫理學史
日本佛教史	同	上			西洋倫理學特 殊講義、講 義及演習
西洋哲學	同	上			同
印度哲學	印度哲學概論				印度哲學
支那哲學	同	上	同	上	同
宗教哲學	同	上	同	上	同
宗教史	同	上	同	上	同
倫理學概論	同	上	同	上	同
社會學概論	同	上	同	上	同
心理學概論	同	上	同	上	同
教育學概論	同	上	同	上	教育學

日本佛法訪問記

佛 語	德 語	英 語	巴 利 語	西 藏 語	梵 語	美 術 史	美 學 概 論	佛 教 藝 術 學	東 洋 哲 學 史	教 育 學 概 論
同	同	同	同	同	同	同	同	同	同	同
上	上	上	上	上	上	上	上	上	上	上
同	同	同	同	同	同	同	同	同	同	同
上	上	上	上	上	上	上	上	上	上	上
同	同	同			密 教	同	西 洋 倫 理 學	同	同	同
上	上	上			學	上	學	上	上	上

大學豫科及選科課目如下

豫科	修身操	佛敎學	國語及漢文	第一外國語	第二外國語	歷史	哲學概論	論理及心理	法制經濟	自然科學
選科及特別	密敎學概論	密敎史	密敎學特種講讀及演習	佛敎學概論	原始佛學	小乘佛敎學	佛敎學特種講讀及演習	印度佛敎史	支那佛敎史	日本佛敎史
心理學概論	宗敎學概論	宗敎史	哲學概論	印度哲學	支那哲學	倫理學概論	社會學概論	教育學概論	美術史	梵語

十一時，參觀高野山圖書館。館長梅尾雲祥博士，領導說明。館之建築，爲紀念弘法大師一千一百年御忌。由弘法大師一千一百年御遠忌事務局總裁泉智大僧正監造。用費貳拾肆萬餘圓，書籍費在外。起工於昭和二年，完成於昭和四年。藏書甚富。東亞佛教圖書之巨藏也。中東西文佛教圖書之外，關於儒道及科學書籍亦爲數不少。

午後，吉井和尚導余及勃言受結緣灌頂於金堂。高野山定例，每年春秋兩季開結緣灌頂道場，廣結勝緣。無論僧俗均得入壇受法，種植善根。春季，由五月三日至十二日爲期。本日爲開壇之第二日。吉井導余等至堂前入口處，由一役僧給白布眼簾一條。朦閉兩眼。進堂後，又由一僧引至弘法大師像前長跪。教誦三昧耶真言，結三昧耶手印。又引至一僧法座前，跪聽開示。余因不諳日語，故不明其義。開示畢，又引至曼荼羅前投花。而後解開眼簾，遍禮堂內諸佛像及諸祖師像。隨又引至金堂西北角一僧法座前長跪。彼僧用法水爲我灌頂，並持五佛冠向我頭頂一帶。至此典禮告成。由金堂後門而出。有役僧贈余「灌頂之話」及「結緣灌頂血脉」各一紙。吉井告余，講開示之師名香川英隆，灌頂師名岡田實範。均爲有德名僧。茲將灌

頂之話(附結緣灌頂御親諭)及結緣灌頂血脉譯爲華文抄叙於左。

灌頂之話

高野山管長龍池大僧正述

灌頂者。謂於吾人頭頂，注之以佛陀加持淨水，而爲凡夫陞佛陀地位之第一式也。凡陞佛位，必自此灌頂始。於華嚴以及一切大小乘諸經說之。此之灌頂，無宗派之別。何也。一切佛教，以陞佛陀之地位爲最後目的。任何宗派，不受灌頂不能登佛位也。

灌頂之法式，爲諸佛之本體。此大日如來之說，存於密教法門。其他顯教(日蓮宗淨土宗及眞宗等)灌頂之名尙未傳。有之者，惟我眞言宗耳。此卽弘法大師於延曆二十四年六月十三日(距今一千一百二十年前)始從中國之長安青龍寺惠果和尚，所受之灌頂也。然其稱爲眞言宗，想與他宗並立。實則無論何宗，想陞佛位，必須來入眞言宗爲宗旨。其所謂來入者。來此曼荼羅之壇而受灌頂之謂也。

灌頂有三種區別 第一傳法灌頂， 第二受明灌頂， 第三結緣灌頂，

第一傳法灌頂者。於佛陀之位所受最崇之灌頂。非普通人所能受。須極大加行之修行者。亦即以眞言宗阿闍黎見稱之僧侶，方能受之也。

第二受明灌頂者。較前行爲易。當世之學者及智識者，凡有願行眞言之行即可受之。

第三結緣灌頂者。於一切人民均可授以灌頂。弘法大師從支那歸朝後。於弘仁十三年（距今一千一百三年前），奉平城上皇諭旨，授之一切人民。徧及於上下。其宗旨無論佛教神道乃至瘋癲白痴皆可引入灌頂之壇。以成佛之加持水而灌頂。此之謂結緣灌頂也。

總之，結緣灌頂爲任何人所能受。茲以佛智不思議之感應。卽我等相互之肉身，儘此身而實地決能陞於佛陀之位。

現身於過去所受之一切煩惱仍在纏繞之中。但無須絲毫短氣。經云「從凡入佛位」以業果相續現世之身，凡夫之體，於一息切斷之剎那間，直成淨土之佛體。此結緣灌頂之功德也。

是以受此灌頂之人，必成佛德圓滿之身。遇此勝緣。深堪欣悅。當隨弘法大師感謝此廣大之恩德。持善心，行善根。此世以往，將勿失此旣入居佛陀僧侶中之心也。

灌者諸佛之大悲，頂者上之義，從菩薩之初地乃至等覺竟遷於佛果時，以諸佛大悲之水灌於頂，卽自行圓

滿得証佛果，此頂之意也，

結緣灌頂御親諭

結緣灌頂云者。在真言密教之中爲最尊無比之法儀。是三世諸佛成道之儀式，一切衆生成佛之秘法也。

度入此灌頂之壇，依大日如來真實之本願力故，無論如何罪業深重之輩，其無始劫來之罪障遂爾消滅，而入於如來眷屬之中，得現當世之大安樂。凡入壇受法之人。務捨去妄念妄想，發起白淨之信心，以專浴大灌頂之法雨爲要。

今日參詣諸人，由過去之種因，攀登此靈山，結大師廟前之勝緣。更遇此難遇之法儀。誠幸中之幸。務宜深喜此因緣。倍增其信心。

高野山金剛峯寺法燈第三百八十九世

大僧正 龍池密雄

高野山金剛峯寺結緣灌頂血脉

秘密曼荼羅

大日如來 金剛薩埵 龍猛菩薩 龍智菩薩 金剛智三藏 不空三藏 善無畏三藏

一行阿闍黎 惠果和尚 弘法大師乃至 密雄阿闍黎菩薩

爲人求佛慧。通達菩提心。父母所生身。速證大覺位。唯眞言法中。卽身成佛故。是說三摩地法，於諸教中，闕而不書。

四時，參觀靈寶館。館中陳列古代佛像法物甚多。售票，任人遊覽。陳列品中尤以弘法師遺物爲夥。又參觀大聖院。院僧能繪一筆龍，作梵字吽形。頗有可觀。當場繪贈勃言及余各一幅。余等供養而退。

五時，參觀大師教會，此會爲佈道機關。參事乃村龍澄招待甚殷。贈余弘法大師繪傳一冊。歸途，登龍光院內山巔。巔頂有佛塔，內供大日如來及愛染明王像。

晚間，有華僧淨德，蒙僧仁忠，來訪。淨德出家於杭縣梵天寺。仁忠出家於東科後旗雙福寺，現均依止天德院金山穆韶阿闍黎學法。金山固有德高僧。曾遊華，皈依者衆，余慕名久矣。早想趨謁。因不在山，而止。兩僧因聞余等來山，特來訪談。淨德曾在中學畢業。余故勸其入佛教大學深造，精研教相，再兼依止金山學習事相。如是敎事雙攻，方有造詣。將來宏法利生，乃有把握。淨德初以學費爲慮。余允設法以助之。二僧辭去後，與吉井討論灌頂授法諸問題。吉井謂結緣灌頂之後。求深造者，可受受明灌頂。但傳法灌頂，非出家人不能受。佛制也。余頗以爲疑。所

謂出家云者。無家室之謂也。日本僧人均有妻子。與在家何異。嘗聞西藏法師開示。四部密宗，惟無上密宗在家人得充阿闍黎。其餘三部密宗，非修梵行，不能成就。故傳法灌頂，亦非出家人不得傳受。日本密教。由中國傳入，唯瑜伽等前三部密宗。弘法大師傳自中國。建立道場，禁止女人登山。注重梵行。於斯可見。古德立制。其意良美。無如維新以後，受國家政治之壓迫，強令僧人結婚，佛戒幾全被破壞。演成今日之局面，非僧伽之過也。若彼迴護之者，強爲之說曰「眞言密意，順行逆行，無非大日如來設化不可思議境界。何分染淨」此就實證眞如法性而言。非吾等具縛凡夫所能比擬。在凡夫地而作是說，亦直如口頭禪之類耳。非所敢取。

五日，午前參觀高野山中學。學長谷部琢道招待，引導至講堂宿舍觀覽。此校明治十九年開辦。附設於古義眞言宗大學林內。大正五年始獨立，改稱今名。校址樓房三級，異常清雅。宿舍佈置完全日式。惟講堂食堂乃有桌椅。食堂，上供文殊及頗度盧聖像。佛堂上供八祖師。柔術場供不動明王，橫匾書「武德在不動三昧」七字。教授生徒，以高等普通教育及佛教要義爲主旨。校無侍役。關於洒掃之事，學生自爲之。藉習勤勞。其意至善。茲將其學科課程抄列於次，以備參攷。

英 語	地 理	歷 史	國 語	公 民 科	修 身	讀 經	聲 明	在 家 他 宗 代	自 宗 部	學 科 目	學 年
會 譯 解 書 取 習 字	發 音 綴 字 讀 方	日 本 地 理	國 文 漢 文 習 字	國 語 書 取	道 德 要 領	讀 經	聲 明	英 語	佛 教 要 旨	真 言 宗 要 旨	第 一 學 年
六	一	二	五		一	二	二	一	三		數 時
會 作 讀 文 方 書 譯 話 取 解	同	東 洋 史	同		同		上	上	上		第 二 學 年
六	二	一	七		一		一	二	四		數 時
文 法 上	外 國 地 理	西 東 洋 史	同		上		梵 習 上	同	上		第 三 學 年
六	一	二	五		一		一	二	四		數 時
同	同	西 國 洋 史	同	公 民	同		聲 明	同	上		第 四 學 年
上	上	史	上	民	上		明	上	上		數 時
六	一	二	五	一	一		一	一	四		第 五 學 年
同	地 理 通 論	同	同	同	同		聲 明 法 式	同	同		數 時
上	上	上	上	上	上		上	上	上		數 時
六	一	二	五	二	一		二	一	四		數 時

體操	武普通兵式教練道	音樂	音樂	圖畫	圖畫	物理化學	物理學	數學	數學
四	同	一	一	一	一	化	二	三	三
上	上			上	上	學	上	學	學
四	一			一	一	一	二	五	五
同				用自	化物	衛生	代幾		
				器在	學理	生理	數何		
上				畫畫	一	二	一	五	同
四				一	同	同	專錄	同	同
同				上	上	上	物通	上	上
上				一	三	二	論物	五	五
四				同	同			三	幾
上				上	上			角	何
四				一	四			四	四

由高野山中學辭出後。參觀修道院，勸學寮。此兩處爲行者修加行之所。以一年爲期。余等入時，適值全體學生用膳。導者贈余食時施食法一紙。抄列於次。

食時施餓鬼略作法

③食時略作法

金輪聖皇 寶祚延長 十方施主 災障消除 福壽增長

先十佛名 清淨法身毗盧遮那佛 圓滿報身盧遮那佛 千百億化身釋迦牟尼佛 當來下生彌勒尊佛 無量

壽佛 十方三世一切諸佛 文殊師利菩薩 普賢菩薩 觀世音菩薩 大勢至菩薩 一切菩薩摩訶薩

訶薩 般若心經

次展鉢偈 若展鉢時 當願衆生 身心寂靜 離諸羸暴

次受食偈 若得食時 當願衆生 爲法供養 志存佛道

次出生食 一匙「諸佛」 一匙「諸賢聖」 一匙「六道衆生」 一匙「不動尊」 一匙「訶利帝母」 一匙「水迦羅天」 一匙「四天王」

羅天」 一匙「四天王」

次供養偈 此食色香味 上獻十方佛 中奉諸賢聖 下及六道品 等施無差別 隨感皆飽滿 令諸施主得

無量波羅蜜

汝等鬼神衆 我今施汝供 此食遍十方 一切鬼神供

次蟲食偈 我身中有八萬戶 一一各有九億蟲 濟彼身命受信施 我成佛時先度汝

且粥偈 持戒清淨人所奉 恭敬隨時以粥施 十利饒益於行者 色力壽樂詞清辨 宿食風除於行者 是

名爲藥佛所說 欲生人天常受樂 應當以粥施衆僧

次五觀 一計功多少量彼來處 二付己德行全關多減 三防心顯過不過三毒 四正事良藥取濟形苦

五爲成道業世報非意

次正食偈 若飯食時 當願衆生 禪悅爲食 法喜充滿

日本佛法訪問記

次誓願偈

爲斷一切惡「一匙」爲修一切善「一匙」爲度一切生「一匙」爲廻向佛道「吃羹菜」

次食竟偈

飯食已訖 當願衆生 所作皆辦 具諸佛法

所爲布施者 必獲其義利 若爲樂故施 後必得安樂 菩薩之福報 無盡若虛空 施獲如是果

增長無休息

難陀那婆 難陀龍王 令捨惡道生善趣中

◎施餓鬼略法

先三歸文曰 南無十方佛 南無十方方法 南無十方僧 南無大悲觀世音菩薩

施食偈 神呪加持淨飲食 普施恒沙衆鬼神 願皆飽滿捨慳心 速脫幽冥生善道 歸依三寶發菩提

究竟得成無上覺 功德無邊盡未來 一切衆生同飽食

余等回龍光院進午膳。預定午後參加歡迎茶會之後卽下山回大阪。余將手持之琥珀數珠供養吉井芳純。以作紀念。聊答招待之雅意云爾。

下午二時，金剛峯寺開歡迎茶會。因余等離山倉卒，僅招集全山首腦約二十餘人，儀式甚簡。公推拇尾博士致詞，並說明日本佛教之特點。略謂特點有二。一、日本佛教以天皇爲中心。全體教徒以視大日如來之眼光而視天皇。二、日本佛教以國家之力量爲佈道之力量。近且將推廣於世界。但推廣方式以和平非以武力也。余略有

答詞，並述感想。略謂經云「大悲爲本，菩提心爲因，方便爲究竟」菩提心堅固，則任何方便皆屬菩提資糧。苟失菩提心。無所謂大乘佛法。冀我佛徒同發菩提心，努力於世界和平，以及於法界衆生。豈僅世界人類之幸。亦我佛徒之本願也。

三時，向諦見老和尚辭行，並呈供養。諦老勉以努力調和中日情感，免除劫運。慈悲之懷，溢於言表。余等下山時已四時許。吉井和尚殷殷送行。直送至汽車站始歸。及抵大阪驛。已八時許矣。

附眞言宗各調查表及法規要則

眞言宗各派本山管長門跡及執事一覽表

宗派	本	山	職	名	氏	名	出	生	地	並	自	坊	備	考	
古義	總本山金剛峰寺 (和歌山・高野山)	管	長	高岡龍心	自	廣島・福山市・明王院	廣島・深安・道上村	岡山・小田・笠岡町・遍照院	自	岡山・小田・北川村・明王院	自	兵庫・三原・榎列村・寂福寺	廣島・深安・湯田村・寶泉寺	昭和三十九歲	九月就職
			財務部長	岡崎密乘	自	兵庫・三原・榎列村・寂福寺									
			教學部長	龜山圓海	自	廣島・深安・湯田村・寶泉寺									

東寺派	眞涌	言宗	眞山	眞善	言通	眞善	眞山	眞山	眞山	眞山
	大本山泉涌寺 (京都・東山)		大本山勸修寺 (京都・宇治・山科町)	大本山善通寺 (香川・仲多度 善通寺)						
執行	管長	宗務長	管長	管長	執行	執行	管門長	管門長	管門長	管門長
葉上弘言	掠本龍海	掠本教尊	缺員	蓮生觀善	中光歡	江崎明道	佐竹信光	德田空圓	缺員	平野龍法
自、東寺山内 金勝院	自、京都市・葎屋町九太・藏林寺	自、東寺山内 寶菩提院	自、京都東山下河原本町七	自、香川・大川・譽水村與田寺	自、同・木田・牟禮村	自、愛媛・新居・多喜濱村明正寺	自、和歌山・那賀・池田村金剛寺	自、京都東山下河原本町七	自、京都東山下河原本町七	自、京都東山下河原本町七
西陣三四六二番				五十九歲	昭和六年三月就職					

新豐	義山	眞言	宗派
總本山長谷寺 (奈良・磯城)	宗務所 (東京・小石川 大塚坂下)	眞言 (奈良・生駒・伏見村)	宗律
管長	管長	上綱長	管長
湯澤龍岳	小林正盛	喜多乘圓龍	佐伯情龍
自 東京・小石川・大塚坂下町	自 茨城・猿島・古河町古川三毛	自 奈良・生駒・伏見村西大寺	自 奈良・生駒・伏見村西大寺
昭和三十六・三就職	昭和三十六・三就職	自 大阪・西成・粉濱町西願寺	自 大阪・西成・粉濱町西願寺
五十七歲	五十七歲	自 京都・下京・下寺町白毫寺	自 京都・下京・下寺町白毫寺
		自 奈良・生駒・伏見村法壽庵	自 奈良・生駒・伏見村法壽庵
		自 栃木・足利・北鄉村持寶院	自 栃木・足利・北鄉村持寶院
		自 荒川一盛	自 荒川一盛
		自 平岡全教	自 平岡全教
		自 寺務長	自 寺務長
		執事	執事
		同	同
		小野田海尊	小野田海尊
		會計部長	會計部長
		庶務部長	庶務部長
		執事	執事
		布教部長	布教部長
		執事	執事
		執事	執事
		執事	執事

眞言宗各派教師等級名稱表

眞言宗各派 高野山外七派	醍醐派修驗道
一級 大僧正	一級 僧正
二級 權同	二級 權僧正
三級 中僧都	三級 天僧都
四級 權同	四級 權同
五級 少僧正	五級 中僧都
六級 權同	六級 權同
七級 大僧都	七級 少僧都
八級 權大同	八級 權同

眞言律宗(階僧)	長老	大和尚	中同	少同	大法師	法師	準法師
	同	同	同	同	同	同	同
豐山派	大司教	司教一等	同二等	同三等	同四等	同五等	準司教
同	同	同	同	同	同	同	同
智新義眞言宗	大僧正	權大同	中僧正	權中同	少僧正	權同	大僧都
同	中僧都	權同	少僧都	權同	律師	權同	試補
律師	權同	教師	試補	權同	權同	權同	權同
九級	十級	十一級	十二級	十三級	十四級	十五級	

眞言宗各派寺院・住職・教會・説教所・數目表

宗派	寺院	住職	教會	説教所
古義眞言宗	4,400	2,900	3	3,900
醍醐派	1,000	600	3	3,000
東寺派	1,400	200	1	2,000
泉涌寺派	400	300	4	1,000
合計				
				17

眞言宗關係之新聞雜誌一覽表

名稱	日月刊	代表者	主義目的	發行所	創刊年月日
家庭之教	月刊	大野松石		京都市嵯峨齋齋御所 新密教社	大正七年四月
合掌	同	岡本宣空		朝鮮仁川宮町二七 遍照寺	同十四年
高野山時報	三月一回	吉川法城	高野派宗務	和歌山縣高野山 高野山時報社	同十一年七月
修驗道	月刊	宮城信雄	修驗道之研究感想	奈良縣吉野村金峯山內 俊驗道社	同十四年一月
神變	同	佐々木教純	眞言宗教義發揚 寺壇融和	東京小石川區大塚坂下町 護國寺	同九年七月
新豐	同	樋口劣夫	豐山派布教	別府長松寺新豐社	同十四年十二月
心鏡	同	後藤信教	信仰雜誌	大阪市北區壺屋町一 心鏡社	同十五年
清觀	同	荒木哲信	豐山派布教	東京市小石川區大塚阪下 町一七興社	同十二年十二月
大師教報	同	吉川法城		和歌山縣高野山 高野山時報社內	同十年
智嶺新報	同	新義眞言宗 智山派宗務所	宗務報告	東京市芝區愛宕町一ノ四 智嶺新報社	

寺院與檀家	同			香川縣多度津町 密教社	同十四年 一月
童話與童謠	同	江崎圭一		東京牛込區若宮町三五 佛教傳說研究會	
東寺教報	同	山本果梁		京都市大宮八條一 東寺教報社	
內觀	一年一回	三國淨春		佐賀縣藤津郡鹿島町 誕生院興隆會	昭和四年
如意密報	月刊	福井豐太郎		大阪東成區大今里町六八 清淨院出張所 如意密報社	大正十四年
豐山派宗報	同	川井精春		東京市小石川區大塚坂下 町三 豐山派宗務所	
密教研究	四年一回	松永宥見	密教研究	和歌山縣高野山 密教研究會	大正十年
密教公論	月刊	岡田戒玉		京都市寺町五條下九 密教公論社	
密示學報	同			京都市九條東寺町 京都專門學校而真社	同十一年
六大新報	旬刊	高橋慈本	古義真言宗務	同下京區三哲大宮東入 六大新報社	明治廿五年 四月
我	月刊	高神覺昇	密教研究	同下京區東山線六條 智山大學內我社	大正十五年 五月
聖愛	同	西條隆彰	信仰雜誌	和歌山縣高野山 聖愛社	昭和三年 一月

人與佛	同	谷口光範	同	愛媛縣園桑郡小松町 香園寺子安講本部	大正十年
新興	二月一回	若槻慶隆	同	東京市小石區川大塚坂下 新魚通り 新密教社	明治三十三年
密教新聞	旬刊	小松義正	同	京都市下 入毛 新密教社	昭和二年
報恩傳道	月刊	宮崎忍海	古義真言傳道雜誌	和歌山縣高野山 報恩傳道協會	昭和七年 一月

古義真言宗宗格五個條

第一條 本宗ハ古義真宗ト稱ス

第二條 本宗ハ曼荼輪圓ノ宗體ニ基キ事教二相ニ亘リ秘密真言ノ奥旨ヲ傳ヘ即身成佛ヲ體驗スルヲ以テ立
教ノ宏謨トス

第三條 本宗ハ高祖ノ洪範ニ則リ鎮護國家濟世利人ヲ期スルヲ以テ教導ノ要義トス

第四條 本宗ハ大日如來ヲ本體トシ諸佛菩薩等ヲ別德トシ齊シク之ヲ信崇ス

第五條 本宗ハ左ノ經律論疏ヲ以テ所依トス

一、金剛頂經。 一、大日經。

其他三學錄所載之經律論及宗祖運述之章疏

日本佛法訪問記

古義眞言宗寺院寺格

- 一，總本山 二，大本山 三，準大本山 四，別格本山 五，準別格本山 六，中本寺並一等格院
 七，小本寺並二等格院 八，孫末寺並三等格院 九，曾孫末寺 十，玄孫末寺

古義眞言宗教階及學階並色衣表

一、主	教	二、弘	教	三、示	教	四、輔	教
一、碩	學	二、學	匠	三、都	講	四、司	講
色	衣	一、緋	色	二、紫	色	三、鶯	色

教師補任規則

僧	階	資格
權大僧	都	新制度之大學卒業者及別科卒業者
中僧	都	新制度之大學二學年修業者及別科第二學年修業者並舊制度大學卒業者
權中僧	都	新制度之大學一學年修業者及別科第一學年修業者並舊制度之第三學年修業者
小僧	都	大學豫科二年修業者及別科二學年修業者並舊制度之大學三學年修業者

權小僧都	大學部豫科一年修業者又別科一學年修業者並舊制度大學一學年修業者
律師	中學卒業者
權律師	中學四學年修業者
試補	中學三學年修業者

法衣規則

袈裟	大	衣	七	條	袖	袈	裟	甲	袈	裟
正衣	親	裳	鈍	色	直	綴	襲	衣	空	衣
副衣	帽	子	表	襪	差	貫	切	袴		
										褌
										襦
										衫
										略
										衣

色	等教	級師	大	僧	正	權	小	僧	試	補	以	上
衣			緋		色	紫		色	菴			色

高野山定例法會

金堂修正會	一月一、三、七日
奧院修正會	一月一、三、七日
仁王會	一月十一日
常樂會	二月十五日
御衣、加持	三月十七日
御影堂建夜	三月二十日
奧院正御影供	三月二十一日
春季彼岸會	彼岸中日前後三日
佛生會	四月八日
奧院萬燈會	四月二十一日
山王院祈	五月一、二日
結緣灌頂	五月三日、至十二日

奧院施餓鬼會	五月二十一日
宗祠降誕會	六月十五日
陀羅尼會	七月一日
不斷經	七月七日、至十四日
孟蘭盆會	七月三、三、四日
御國忌	八月十六日
秋季彼岸會	彼岸中日前後三日
結緣灌頂	十月一、三、三日
證號奉讚會	十月二十七日
山王院門徒	每月十六日
奧院月並御影供	每月二十一日
御影堂門徒	每月二十一日

贅言

余七月由日歸來。即着手爲遊記五篇。第因稿件叢雜。參修餘暇整理未能就緒。而同修諸君。亟欲知日本佛法之情狀。屢次催索，無以應命。不得已，先將日記及日本佛法訪問記兩篇草草付梓。以供友好。其中有無錯誤，固不可知。而文字之工拙，更非所計。其餘三篇，容稍緩整理再爲續印

愛我者幸有以指正焉

除夕前三日彭翊謹白

#2
72/042

七
角